

四庫全書

子部

欽定四庫全書

子部
墨池編卷四

詳校官中書臣王鵬

檢討臣德生覆勘

總校官中書臣朱鈐

校對官助教臣蔡鎮

騰錄貢生臣丁緯

欽定四庫全書卷

墨池編卷四

宋 朱長文 撰

贊述之一

晉索靖書勢

蓋草聖之為狀也婉若銀鈎漂若驚鷺舒翼未發若舉
復安蟲蛇蚴虬或往或還頽阿那以羸羸歛奮豐而桓
桓及其逸遊眈嚮乍正乍邪騏驥暴怒逼其轡海水震
隆揚其波玄熊對踞於山嶽飛燕相追而差池舉而察

之又以和風吹林偃草扇樹枝條從風轉相比附窈窕
廉苦隨體散布紛擾擾以綺靡中持疑而猶豫玄螭蛟
獸嬉其間騰猿飛鼪相奔趣陵魚奮尾駭龍反據投空
自竄張設牙距

吳楊泉草書賦

惟六書之為體美草法之最奇杜垂名於古昔皇著法
乎今斯字要妙而有好勢奇綺而分馳解隸體之微細
散委曲而得宜乍揚抑而奮發似龍鳳之騰儀應神靈

之變化象日月之盈虧書縱疎而值立衡平體而均施
或斂束而相抱或婆娑而四垂或攢剪而齊整或上下
而參差或陰岑而高舉或落穉而自披其布好施媚如
明珠之陸離其發翰攄藻如春華之揚枝其提墨縱體
如美女之長眉其滑澤清易如長溜之分歧其骨硬強
壯如柱礎之不移其斷除窮盡如工匠之盡規其芒角
嶙峋如嚴霜之傳枝衆巧百態無不盡奇宛轉翻覆如絲
相持

晉劉邵飛白書勢

鳥魚龍蛇龜獸仙人蚊脚偃波楷隸八分世施常妙索
草鍾真爰有飛白之麗貌艷勢珍若乃數析毫芒纖手
和會素幹水解蘭墨電掣直隼箭馳屈擬螭勢繁節叅
譚綺靡循殺有若烟雲拂尉交紛刻斷韓盧接飛宋鵲
遊逝

齊王僧虔書賦

情憑虛而測有思沿想而圖空心經於則目像其容手

以心麾毫以手從風搖挺氣妍靡深功爾其隸也明敏
婉孌絢蒨趨將擣文斐縟托韻笙簧儀春等暖麗景依
光沉若雲鬱輕若蟬揚稠必昂萃約實箕張垂端整曲
裁邪製方或具美於片巧或雙競於兩傷形綿靡而多
態氣陵厲其如芒故其委貌也必妍獻體也貴壯跡乘
規而騁勢志循檢而懷放

梁庾肩吾謝東宮古跡啟

竊以仰巖遺軸入握成塵孔壁藏文隨開已蠹石書有

暗厨燼猶飛豈有跡經四代年踰十紀芝英雲氣之巧
未損松鉛鵲反鸞驚之勢不侵蒲竹必使酒肆來人池
流色變將損北海之牘還代西河之簡

梁元帝上東宮古跡啟

師宜八分之巧元常三體之妙史籀李斯之篆梁鴻曹
喜之書莫不總萃桂宮盈滿甲館竊以鸞驚之勢旣聞
之於索靖鷹跖之巧又顯之於蔡邕是以遊霧重雲傳
敬禮之法鳥鴈魚頰表楊泉之賦頗好六文多慙三禮

尚方大篆既甚牢落柱下方書何曾彷彿空慕河間之
聚書竟徵東平之獻表齊攸尺牘顧已缺然北海楷隸
終成難擬

梁簡文帝荅湘東王上王羲之書

試筆成文臨池染墨疏密俱巧真草皆得似望城扉如
瞻星日不營雲飛之散何待曲辱之丹方當奉披庭中
置之帳裏乍措銅鈎時懸歌案戢意之深良不能已

唐太宗制王羲之傳贊

制曰書契之興肇乎中古繩文鳥跡不足可觀末代去
樸歸華舒箋點翰爭相誇尚競其工拙伯英臨池之妙
無復餘蹤師宜懸帳之奇罕有遺跡逮乎鍾王以降略
可言焉鍾雖擅美一時亦為迴絕論其盡善或有所疑
至於布纖濃分疎密霞舒雲卷無所間然但其體則古
而不今字則長而踰制語其大量以此為瑕獻之雖有
父風殊非新巧觀其字勢疎瘦如隆冬之枯樹覽其筆
蹤拘束若嚴家之餓隸其枯樹也雖槎枿而無屈伸其

餓隸也則餓羸而放縱兼斯二者故翰墨之病歟子雲
近出擅名江表僅得成書無丈夫之氣行行若縈春蚓
字字如綰秋蛇卧王濛於紙中坐徐偃於筆下雖禿千兔
之翰無一毫之筋窮萬轂之皮無半分之骨以茲播美
非濫名耶此數子者皆譽過其實所以詳察古今研精
篆素盡善盡美其唯王逸少乎觀其點曳之功裁成之
妙烟霏露結狀若斷而還連鳳翥龍盤勢如斜而反直
翫之不覺為倦覽之莫識其端心慕手追此人而已其

餘區區之類何足論哉

唐竇泉述書賦上

并序

古者造書契代結繩初假達情寢流競美自是厥後迭
世沿革樸散務繁源流遂廣漸備楷法區別妍媸泊於
我唐天寶之末國有寇難府庫傾覆散墜閭閻旣而興復
京都所司徵購得其歸者蓋寡矣余生至德中往往偶
見祛積年之遐想駭此生之新觀雖欣鄙夫之幸遇實
為吾君之痛惜恨沉草莽上達無階因記彼而銜求願

沽諸而善價然為監臨動靜公私貿遷徒暫披翫終歸
他室今記前後所親見者并今朝自武德以來迄於乾

元之始翰墨之妙可入流品者咸備書之

周一人史籀
秦一人李

斯。漢二人蔡邕杜操。魏五人韋誕虞松司馬師司
馬昭鍾會。吳二人皇象賀邵。晉六十二人齊獻王
元帝成帝康帝孝武帝武陵王會稽王楊肇山濤張翰
蔡克顧榮劉琨孔侃孔瑜陶侃熊遠應詹卞壺劉超謝
藻庾亮庾惔庾準庾冰郗愔郗曇郗超郗儉之郗恢郗
鑒謝尚謝安謝弈王導王邵王珉王羲之王獻之王廙
王濛王述丁潭何充劉訥劉琰張澄劉璞張翼桓溫桓
玄桓彝江灌沈嘉。劉懷之孔廡范汪范甯諸葛長民劉
穆之溫放之楊羲宋琨。宋二十五人武帝文帝孝武
帝明帝南平王海陵王謝靈運謝方明張茂度張永羊

欣孔琳之薄紹之王敬弘王思立顏峻桓護之駱簡蕭
思話龐秀之巢尚之裴松之徐爰江僧安賀道力○齊
十五人高帝武帝竟陵王褚淵褚貴徐孝嗣王僧虔王
慈王志王儉劉撫顧寶光胡楷之徐希秀張融○梁二
十一人武帝簡文帝邵陵王孝元帝蕭衍蕭子雲蕭特
王克陸果任昉傅昭朱异王籍殷鈞阮研王褒庾肩吾
陶弘景江革周弘讓范懷約○陳二十一人武帝文帝
煬帝沈后新蔡王廬陵王永陽王桂陽王釋智永釋智
果江總徐陵沈君理袁憲毛喜蔡景歷蔡徵顧野王宓
知道謝朓賀郎○北齊一人外五代祖劉珉○隋五人
劉玄平房彥謙薛道衡盧昌衡王孝逸○唐四十五人
神堯皇帝文武聖皇帝則天武后睿宗開元皇帝漢王
元昌韓王元嘉岐王元範歐陽詢歐陽通虞世南虞纂
虞煥褚遂良陸東之薛稷房玄齡田琦王紹宗孫過庭
張旭徐浩周憍之徐浩賀知章李造韓擇木史惟則衛
包李權李平均蔡有鄰鄭遷舅緯繪宋儋李璆殷仲容

王知敬李懷琛呂向王維張從申明氏姨兄若山長兄
蒙馬氏妻劉泰妹等某應親見者可言及一百三十七
人並錯綜優劣直道公論或理盡名言即外假興喻雖
闕標舊品而畢寄斯文刊訛誤於形聲定目存於指掌
其所不覩空居名額并世所傳搨者不敢憑准一皆略
焉其詞曰嘗考古而閱史病賤目而貴耳述勲庸而任
人揮翰墨而由己則知親屬延想如見君子諒風雅之
足憑奚卷舒之能已古猶今焉斯得美矣雖六藝之末
曰書四人之首曰士書資士以為用士假書而有始豈

特長光價於一朝適容顏於千里

王羲之書戴山姥竹角扇五字字索百錢

人竟買去梁元帝書亦云千里之面目轉覺為能矣

篆則周史籀秦李斯漢有蔡

邕當代稱之俱遺芳刻石永播清規籀之狀也若生動

而神憑通自然而無涯遠則虹紳結絡邇則瓊樹離披

斯之法也馳妙思而變古立後學之宗祖如殘雪滴溜

映朱檻而垂冰蔓木含芳貫綠林以直繩伯喈三體八

分二篆啓戟彎弧星流電轉纖逾植髮峻極層巘周秦

漢之三賢余目驗之所先石雖堅而云亡紙可寄而寶

傳

史籀周宣王時史官著大篆教學童岐州雍城南有周宣王獵碣十枚並作鼓形上有篆文今見搨本吏

部侍郎蘇勗叙記卷首云世咸言筆跡存者李斯最古不知史籀之跡近在闕中即其文也李斯上蔡人終秦

丞相作小篆書嶧山碑後具名銜碑既毀失士人刻木

代之非斯跡石上本蓋稀又至德中安史敗後從弟紹

於河陽清水渠下得傳國璽其文曰受命於天既壽永

昌點畫皆隱起作龍鳥狀側文小篆曰魏所受漢傳國

璽余就打得本背上蟠螭一角折鼻尖有黃疵瑕按驗

譜牒乃無差舛云斯所書蔡邕字伯喈陳留人後漢左

中郎將今所見打本三體石經四紙石既尋毀其

本最稀惟稜雋及光和等碑并石銘時時可見

草分章體肇起伯度時君重而立名自我行而作故制

波循利創質蓄怒

杜操字伯度京兆人終後漢齊相章帝貴其跡詔上章表故號章草書五

欽定四庫全書

墨池編

八

行魏之仲將奮藻獨步或迸泉湧溢或錯玉班布跡遺

情忘契入神悟然而負才藝履危懼膏明自煎鬢髮改

素生非其代痛惜不遇名微格高後見叔茂體裁簡約

肌骨豐腴如空凝斷雲水泛連鷺

韋誕字仲將京兆人終魏光祿大夫時凌

雲臺成誤釘榜明帝使誕坐龍以輓轡引上就書去地二十五丈及下鬢髮皓然今見帶名草書兩帖共十三行虞松字叔茂會稽人魏中書令大司農令見錄紙草書具姓名一紙十一行

挹子元之環蹟

高子上之雄神量蘊文儒才包古人或寄詞達禮任道

懷仁或仰則鍾繇平視衛臻如晴郊馬四馬維嶽降神

司馬師字

子元河內人終魏錄尚書事大司馬忠武公及炎受禪
追尊曰景皇帝今見正書帶名一紙一十二行弟昭字
子上終魏相國錄尚書事封文王追尊文親士季之軌
皇帝今見正書具姓名兩紙共一十二行

轍審鍾家之超越將望古而皆能與象賢而蹈拙知後

生可畏氣蓋前哲

鍾會字士季潁川人繇子魏征西將軍今見帶名行書一紙八行

吳

則廣陵休明朴質古情難以窮真非可學成似龍蟻蟄

啓伸蟠復行

皇象字休明廣陵人終吳侍郎青州刺史今帶名章草帖一表七行并寫春秋哀公

上第二十九卷首元年餘自二年至十三年盡尾足其紙每一大幅有一縫線聯合之陸元凱押尾云此是璽紙緊薄有脉似桦皮以賀氏與伯同時異體瘠而不疎諸璽比類殊有異者也

逸而寡禮等殊皇賀品類兄弟

賀劭字興伯吳興人終吳太子太傅凡章草書

帶名一帖五行

司馬氏之受禪炎為帝祖偉哉齊王手蹟目覩

翰墨之外仁賢是優重則突兀嵩華輕則參差斗牛

司馬

攸字大獻文王子武帝弟為齊獻王官至侍中大司馬今凡正書帶名凡四段共三紙書有痛惜羊祜之言晉姓司馬元犯先諱不言晉也達乎龍化東遷景文興嗣天然俊傑毫

翰英異元常之用筆可觀世瑜之呈規仰似如發矂刃虎

駭鶚胎懦夫喪精銳客得志

元帝諱睿字景文東朝中興之主當東遷謠曰五馬

浮渡江一馬化為龍即其人也今見潛淵正書具姓名一紙七行兼雜批約有十處

成帝則生知草

意穎悟通諳光使畏魄青擬出監勁力外爽古風內含若

雲開而乍覩晴日泉落而懸歸碧潭

成帝諱衍字世祿元帝孫明帝子庾

氏內見今草批謝草張澄啓七行

康帝則幼少閑慢迥出凡境馬馬安

車不尚馳騁

康帝諱嶽字世同成帝弟今見行書批劉訥啓四紙共七行

真率孝武

不規不矩氣有餘高體無所主若露滋蔓草風送驟雨

孝武帝諱昌明簡文子今見行書一紙又兩帖等雜批六處共有二十一行也

赴赴道叔遠淳

通俗舉姓名而孰多驗風度而不足元子憚其威武吾

徒遵其軌躅

武陵王稀字道叔明帝弟今見其姓名正書一紙三行

道子雅薄綿

密纖潤露輕藏沉假曲躡峻猶尺水之含衆象小山之

擬萬仞

會稽王道字子孝武帝子今見具姓名行書一紙凡七行

季初則隱姓名展

纖勁寫搨共傳賞能交盛猶鋸牙鉤爪超越陷穽

楊肇字季

初榮陽人終荊州刺史今見草書一紙十行有古署榜無姓名今共傳搨之

巨源正書朴畧

仍餘染翰忘筌寄情得魚自若披堅草澤匿銳茅廬

山濤

字巨源河內人終侍中司徒今見正書帶名一帖四行

叔夜才高心在幽憤允文

允武令望令聞精光照人氣格凌雲力舉巨石芳逾衆

芬

嵇康字叔夜譙國人本朝中散大夫今見帶名行書一紙五行

季鷹有聲古貌磅礴

雖無名驗攀附張索

芝靖

如凝陰斷雲垂翅一鶚

張翰字季鷹吳

郡人終大司馬今見草書一帖三行有古榜滿騫押尾

子尼簡約片月孤峯千歲

之下森森古容

蔡克字子尼陳留人本朝成都王掾子謨過江食蟹遇毒者本朝尚書僕射見

帶名欽草一帖四行

彥先尚質無而不有猶崆峒上人世俗難偶

顧榮字彥先吳人終驃騎將軍今見草書帶名三帖共有一十二行

越石偉度粃糠翰墨

爾乃如伐樹而愛人似問鼎而在德

劉琨字越石中山人終太尉今見行

書半紙具姓名五行

敬思敬康二孔殊芳思行則輕利峭峻驚虬

逸駿康草則古質鬱紆落翮摧枯

孔侃字敬思會稽人本朝大司農今見具

姓名行書一紙七行孔愉字敬康會稽人車騎將軍今見具姓名一帖三行

雍容士行李孟

公旅肌骨閑媚精神慢舉如辭山登朝混跡雜處

陶侃字士

行秣陵人本朝侍中大將軍今見帶名正書一紙十行也

孝文剛斷謹正援毫古體

雖拙今稱且高如貴胄之躍駿武賁之操刀

熊遠字孝文豫章人

本朝大將軍長史今見具姓名正書啓七紙

思遠則藁草懸解筆墨無在真

率天然忘情罕逮猶群雀之飛廣廈小魚之戲大海

應詹

字思遠汝南人本朝大將軍今見草衣帶名二紙共一十七行

望之之草緊古而老落紙

觔盤分行羽抱如充叔多士交連雜寶

卞壺字望之濟陰人本朝侍中

驃騎大將軍今見帶體大法殊實推世瑜稟天然而自
名草書一紙共六行

強亂帝札而見拘猶朝廷宿舊年德相趨

劉超字世瑜琅琊人本朝

衛尉零陵忠侯令見帶名正書一帖三行起手筆與
元帝相類自職居近密遂絕與外人所交之書也叔

文法鍾纖薄精練用筆雖巧結束未善似漸陸之遵鴻

等窺巢之乳燕

謝藻字叔文會稽人本朝中書侍郎今
見具姓名正書啟兩段合為一紙五行

其半先在官半在外及得
之勘合如一但新故異也

博哉四庾茂矣六郗三謝之

盛八王之奇至如強骨漫轉逸足難追斷翰蓬征牽蔓

葛垂任縱盤薄是稱元規

庾亮字元規潁川人本朝太
尉今見草書五紙行帖共八

行具姓名草書
又一紙十一行

遺古效鍾叔預高蹤雖穩密而傷浮淺

猶葉公之愛畫龍

庾懌字叔預潁川人本朝衛尉將
軍今見正行書帶名一紙四行積

新之美更覽稚恭名齊逸少墨妙所宗善草則鷹搏隼

擊工正則劒鏑刀鋒愧時譽而未盡覺知音而罕逢其

荒蕪快利彥祖為容似較秋兔於大野任平陂之所從

庾翼字稚恭本朝車騎將軍今見草書四紙共二十六
行具姓名正書一帖三行懌與翼並是亮弟庾準字彥

祖希子亮孫本朝豫章刺史今
見具姓名草書一紙凡八行

道徽之書豐茂宏麗下

筆而剛決不滯揮翰而厚實深沉等漁父之乘流鼓枻

高平奕葉盛德遺能方回重熙接翼嗣興回則章健草
逸發體廉稜若冰釋泉湧雲奔龍騰密壯寄姿撫跡重
熙若投石拔距怒目揚眉景興常年昌云世乏正草輕
利脫畧古法跡因心而謂何為吏士之所多惜森然之
俊與嗟蔑爾之中和處約道脗家之後俊狂草勢而

兄優謹正書而弟潤俱始登於學次慙一虧於九仞

郝鑒

字道徽高平人本朝太宰今見草書三紙共十七行惜
字方回墨字重熙並鑒子愔為司空見章草書寫父雜
表一首四十三行草書八紙墨為中郎將今見具姓名
草書一紙四行郝超字景興愔子為臨海太守今見具

姓名行草書共四張郡儉之字處約為太子後率今見其姓名兩紙草書郡恢字道脩為鎮軍今見其姓名草書及行書共兩紙處約道徽並郁堽子謝氏昆玉尚草特峻猶注飛潤之

瀑溜投全牛之虛刃達士逸迹乃推無奕毫翰云為任

興所適能事雅量末歸安石至夫蘊虛靜善草正方圓

自窮禮法拘性猶恒德之仁智應事物之龜鏡恨其心

懼景興書輕子敬塞盟津而捧土損智力而逾病

謝尚字仁

祖陳郡人本朝散騎常侍今見其姓名草書一紙六行謝奕字無奕鎮西將軍今見帶名行書一紙六行謝安字安石尚弟位侍中太傅今見其姓名正書二紙三十行業盛琅邪茂弘厥初衆能

之一乃草其書將以潤色前範遺芳後車風稜載蓄高
致有餘賴賈勇之武士等相驚之戲魚有子敬倫蹟存
目驗以古窺今調涉浮艷尚期羽翼鴻漸芝蘭香染興
兄勝而弟負將奢也而寧儉繩武宜爾傑出季琰露鋒
芒而豁懷傍禮樂而無檢猶遵扶搖而坐致越峻極而
非險

王導字茂弘琅邪人本朝丞相謚曰文獻今見具
姓名草書兩紙共六行王劭字敬倫即導子本朝

車騎將軍今見具姓名草書一紙六行兄即恬洽不見
真跡洽子琰中書令今見具姓名草書二紙各八行

然則窮極粵旨逸少之始虎變而百獸跼風加而衆草

靡肯縈遊切神明合理雖興酣蘭亭墨臨池水武未盡
善韶乃盡美猶以為登泰山之崇高知羣阜之邈迤逮
乎作程昭著褒貶無方穠不短纖不長信古今之獨立
豈末學而能揚幼子子敬創草破正雍容文經躍踴武
定能遺妍而多狀勢由已而靡罄天假神憑造化莫竟
象賢雖乏乎百中偏悟何慙乎一聖斯二公者智能方
祈氏之奚午天性近周家之文武誠一字而萬殊且含
規而孕矩然而真跡之稱獨標本世余所不取何哉且

得於書法失於背古足知難與之渾樸言可以為斷磨

主也

王羲之字逸少右將軍前後多見行草書唯正書世上希絕幼于獻之字子敬本朝中書令世上多

見行書獨步不可具舉書稱二王輒加真字餘雖超越者並通謂之絕跡蓋俗學之意也溫溫伯與

亦扇其風風流之表軒冕之中骨體道正精彩冲融已

高天然恨乏其功如承奕葉之貴胄備夙訓之神童王

字伯興即導孫薈子司徒左長史今見帶名書一紙七行粵太原之英二子間生仲

祖慕元常之則懷祖通文獻之情方言慕而我愧言慕鍾繇

比叔文而彼榮

比叔文即謝藻

習所通而不及言通王導叅放之而

先鳴

參溫放之

結束體正肆力專成猶棟梁富於合抱大匠

斲而未精

即王濛也

高利迅薄連屬歌傾猶鳥避羅而勢側

泉激石而分橫

即王述也王濛字仲祖太原人金紫光祿大夫今見具姓名正書一紙三行王

述字懷祖太原人尚書令藍田侯今見具姓名草書一紙三行

若夫反古不忘吾推世

康似無逸少如棄元常猶落太階之藁焚掇秘府之芸

芳

丁潭字世康會稽人固孫彌子本朝散騎常侍今見正草書各一紙共十行

次道厚實寡

於風彩自是雄姿翰墨具在如士大夫之京華遊處叅

貴胄而魯質未改

何充字次道廬江人庾亮舅本朝侍中司空今見帶行書三行

行仁

靡雜唯鍾是師恍端閑於高軌能終始於清規雖帶偏

薄亦能隣幾若鳳雛始備以五彩長松僅舉乎一枝

劉訥

字行仁瑯琊人散騎侍郎今見康帝啓四紙共有三十五行也真長則草含稚恭之爽

劉正適越石之羈束輕浮森峭穠媚綺縟落衆木於秋

杪狎羣鷗於水曲

劉琰字真長沛郡人本朝丹陽尹今見具姓名行書及草各一帖共六行

國明勵躬鍾氏餘風壯麗纖薄守鳴知雄如道門之子

仙路時通

張澄字國明吳郡人嘉之子光祿大夫今見咸康八年帶名正書上成帝啓一紙七行

猗歟子成徇跡過名正隸敦實藁草沈輕元常高風雖

疎復呈猶不考擊之鐘鼓合律呂之音聲

劉璞字子成南陽人本朝

光祿勳即得道南岳魏夫人之子夫人魏舒女舒河內修武令今見具姓名行書草兩紙共二十行

君祖

馳馭藝忝令譽窮正驗草而罕見其能作偽亂真而未

可為據正企鍾而悠邈草師王而莫著與夫敬仁道羣

王循江灌

或拔茅以連茹猶銳意鵬舉致身鷹蒼

張翼字君祖下邳人

東海太守時穆帝令翼寫右軍手表帝自批後右軍殆不能別久乃悟云小人幾欲亂真今見具姓名正草書

總三帖共十六行

元子正草厚而不倫若遺翰墨猶帶真淳似山

林之樂道非玉帛之能親

桓溫字元子譙國人翼子本朝丞相大司馬南郡宣武公

今見行草書帶名
四紙共二十行

敬道耽翫銳思毫翰依憑右軍志在

凌亂草狂逸而有度正疎澁而猶憚如浴鳥之畏人等

驚波之泛岸

桓玄字敬道溫子歷義興太守僭號以敗
今見帶名正行草書總十紙共六十餘行

道羣閑慢氣枯自充始習新制全移古風與伯興之合

極

王廐

若子敬之童蒙猶富禮樂之世曹備神彩於廐躬

江灌字道羣陳留人侍中中護
衛軍今見帶名行書一紙七行

長茂草勢旣健而疎慕

王不及

王右軍

獨斷所如猶驚鳥擊而失中因踳蹬於邱

墟

沈嘉字長茂吳郡人吳興太
守今見其姓名草書共三行

元寶剛直兩王之次骨

正力全軌範宏利凌突子敬病於輕肆同變武而習文

若飛龍而獲驥

劉懷之字元寶沛國人御史中丞義成伯今見帶名行書九行

季舒纖

勁循古有禮遇稀難評唯署一啓

孔廐字季舒會稽人光祿大夫今見書名

啓一紙也順陽筆精吾見玄平近瞻元常俯視國明

張澄利且

掩薄多能似生如般輸之運奔之棟梁以經營

范澄字玄平順陽人

安北將軍今見具名正書謝賜瓜啓四行

武子正筆頗全古質去凡忘情任

樸不失猶高人之與釋子志由道而秉律

范甯字武子澄子中書侍

郎今見帶名正書啓三紙共二十一行

長民則全效子敬便於性分宏逸

生於天機衆妙總而獨運凌所師而小薄壯若已而不

素猶豁其流而冰開殷其響而雷奮

諸葛長民瑯琊人
輔國將軍宣城內

史今見具姓名
行書一紙六行

道和閑雅離古躡真慢正由德高縱絕

塵若昂藏博達之士謬謬朝廷之臣

劉穆之字道和東
莞人侍中司徒今

見具姓名行
書一紙六行

放之率爾草健筆力豈忘保持足見準則

猶片錦呈巧細流不極

溫放之太原人嶠子黃門侍
郎今見具姓名草一紙三行

真人之正行兼純熟而相成方圓自我結構遺名如舟

楫之不繫混寵辱以若驚

真人諱義弘農人
今見書帶名六行

宋琰訛緊

足光利用習古者或以為輕日新者必因而重猶撲散

而分形器如務成而立賦頌

宋琰廣平人相府叅軍今見行書具姓名一紙四行

宋武德輿法含古初見荅道和之啓未披有位之書觀

其逸毫巨麗載兆虎變高躅莫究其涯雄風於焉已扇

猶金玉礦璞包露貴賤

劉裕字德興彭城人翹子本朝中書監封宋公後受禪是為宋

武帝今見帶名批劉穆之啓兩紙共六行

皇矣文帝天知正隸譽已達於縱

橫攀王媚於緊細

戲之

向精專而習熟幾可與之興替尚

瞻擊水之鵬搏且並聞天之鶴唳

文帝諱義隆武帝子今見帶名正行書兩

帖共七行雜批五
處共有二十行也孝武則武威戡難翰墨馳聲雖稟性

而已高恨一簣而未成徒忌人之賢已冀及父之令名

孝武書視文
帝為未及與思話而雄強追彥琳而愧恥蕭思話孔琳之若

夷狄之佳麗慕容顏於桃李孝武帝諱駿字休龍文帝子今見帶名正書啓十行

又行草俱四
紙共十三行太宗徽音用壯之心遺棄鄙野不無高深

快掃時俗欲超古今冠祖梨之下果怯鸞鳳之珍禽明帝

諱或字休景孝武帝子今見帶名
行書四紙并批雜啓等共八行南平休玄筆力自全

幼齒結構老成天然比夫鳥在穀龍潛淵符彩卓爾文

詞粲然

南平王鐔字休立文帝第四子今見帶名啓正書四行

休茂尚冲已工法

則長於用筆結字短於精神骨力性靈可觀運用未極

猶鳬雛鵠子初備羽翼

海陵王字休茂文帝十四子今見正書帶名啓四行姚懷珍押

尾復見二謝兩張連輝並俊若夫小王風範骨秀靈運

快利不拘威儀或擯猶飛湍激石電注雷迅

謝靈運陳郡人宋侍

中秘書監今見帶名行書七行

方明寬和穩媚且潤如幽閑女德禮教

士胤

謝方明陳郡人惠連父宋會稽守今見具帶名正書帖籤三行也

茂度逸翰景初

清規或大言而峻薄

景雲對文帝云臣恨二王不得臣之體

或寡譽而振

奇並心輕兩王迹及宗師擬鶴鳴而子和殊鯉退而學

詩

張茂度吳郡人徽子宋會稽太守今見具姓名行草書兩紙共十行張永字景初茂度子宋征西將軍見

正行草書五紙共三十行

敬元則親得法於子敬雖時移而間出手

稽無方心敏奧術寧磅礴而不忘本分縱橫而粗得師
骨遇其合時彷彿唐突猶圖騏驎而莫展壖真僂而非
實爾後王羊謬同草靡餘風彥琳敬叔允執厥中孔則
愈於緊速病於乾偏超舉之餘窺羊及肩猶蓬瀛心想
漢武風傳競其豐利又覩薄氏織圖克成骨力猶稚精

彩潤密乃誠莫二架友陸師抑亦其次雖瑜無金價而

珉實玉類

羊欣字敬元泰山人不疑子宋中散大夫與丘道護同受獻之筆法今見正行草具姓名

二十餘紙凡六七卷所云王羊鏐同羊不失其望言虛也孔琳之字彥琳會稽人宋太常卿今見具姓名行草書三紙共二十行薄紹之字敬叔丹陽人宋給事中羊孔並師小王今見具姓名行書四紙共一十八行

水茂族敬弘不墜故朝餘風翰墨魚至既約古而偏逸

亦遺能而獨駛猶創埏埴於昔人全朴畧而成器

王敬弘耶

邪人導孫桓玄妙夫宋侍中左光祿大夫今見具姓名草書帖一紙共計四行焉

蔓衍枝派思

玄不忘穩厚而無法度淳和而蓄鋒芒猶君子自適順

時行藏

王思立瑯邪人宋南康太守今見具姓名行書三行

顏氏儒門士遜墨妙

大令典則中散風調薄首孔肩體格惟肖如驚弦履險

避地膺峭

顏峻字士遜瑯邪人埏之子宋石將軍揚州刺史今見具姓名行書一紙五行言薄首孔

肩則獻之琳之

桓公護之神凝筆遲富雅景之士規猶門

寒道高衣褐言詩

桓護之字彥宗洛陽人宋寧朔將軍今見具姓名行書一紙四行 翩

翩正祖恭已法則師資小王深入閭域安知逸氣未詳

筆力猶驥異真龍紮非正色

駱簡字正祖丹陽人宋鉅野令今見具書五行有姚

懷珍徐僧權等押尾

思話綿密緩步娉婷一心工隸師羊過青似鳧

鷗鴈驚遊戲沙汀

蕭思話蘭陵人宋征西將軍丹陽令尹今見帶名正書啓兩紙共十三行今

見具姓名行書三行

二王變古法有所屬兢兢秀之斂翰謹東

僂童樂靜不見可欲

龐秀之宋江州刺史今見正書具姓名啓一紙十行也

仲遠

循常由衷通俗企彥琳之牆仞遵茂度之軌躅

張茂度豈

問一而得三同出吳而入蜀

巢尚之字仲遠魯國人宋寧朔將軍今見帶名行書

七世期旁通崛強斷利叅方回之章法

郗得敬元之草

意

羊欣

匪庖丁之解牛同君子之不器

裴松之字世期河東人宋散騎常侍

大中大夫今見具姓名章草書慰勞文一卷二十四條

長玉靡慢神閑態濃荷小

王之偉質錯明帝之高蹤猶執德而風塵不雜發言而

義理攸從

徐爰字長玉瑯琊人本名璵宋大中大夫今見正書具姓名上明帝啓一十五行

江

侯僧安健利而乾貌兼輕媚體出多端猶閑庭之卉木

小苑之峯巒

江僧安陳留人家太子中書令今見具姓名行書一紙八行

道力草雄

圓轉不窮壯自躬之體格疲逸少之流通猶立言而道

遙出世驗蹟乃夙夜在公

賀道力會稽人宋吳興令今見具姓名草書二紙共二十

行齊高文武英威時來運歸挺生紹伯墨妙翰飛觀乎

吐納僧虔擠排子敬昂藏鬱拔勝草負正猶力稽牛刀

水展龍性

蕭道成字紹伯蘭陵人承之子宋右僕射太尉受禪即位稱齊高帝今見具姓名行書草

及雜批三十餘行

世祖宣遠象賢豈敢仰英規而無功超筆力

而有膽莫願程式率由胃襟能騁逸氣未忘童心若橫

波束薪泛濫淺深

武帝諱頤字宣遠高帝長子今見帶名行草書及雜批十餘行

子良

則能知未善心遠迹邇家風若遺古則反鄙雖有力而

無體將從真而自美猶土階茅茨儉德之始

竟陵王諱子良武帝

子今見帶名行書四行

彥回無節筆翰亦爾快利不拘足用而已

如垂枝楓柳抑葉杞梓

褚淵字彥回河南人宋末與高帝同掌樞密後齊臺建以佐命

共入司徒中書今見具姓
名草書二紙共十三行

蔚先忠良自我名揚老成不

虧和雅允臧躬甘肥遁志傲侯王

褚賁字蔚先淵子齊秘書監父憂荒職便

不任時人以為恥父失節於宋室遂爾屏居今見正書啓具姓名一紙凡八行非禮不言從容

始昌如碩德君子道義難量而盛德有素筆精源長

徐孝

嗣字始昌東海人齊太尉尚書今今見正書啓二紙共有三行

簡穆父子載茂餘芳僧

虔則密緻豐富得能失剛鼓怒駿興阻圓任強然而神

高氣全耿介鋒芒發卷伸紙滿目輝光才位兼而雙絕

名實副而特彰如運籌決勝威震殊方伯實次道並資

義訓尤則雜太祖

高帝

而外兼稟家君於己分弟則太纖

薄而無滯得過庭而稍俊寬閑墨妙逸速毫奮比達士

與君子人不知而不愠仲寶同夫季舒署名莫窺牆仞

王僧虔瑯邪人曇首子齊尚書令簡穆公今見正書具

姓名書共十五紙王慈字伯實王志字次道並僧虔子

兄齊侍中冠軍將軍今見具姓名行書兩紙共二十行弟

志齊侍中吏部尚書今見具姓名行書一帖共七行王

儉字仲寶僧綽子齊尚書今見署

名啓字而已與孔廐同廐字季舒茂謙則壯而不密騁

志恒俗輕師模任縱欲如勇夫格獸徑越林麓

劉撫字茂謙彭

城人齊太子洗馬御史中丞

今見行書兩紙共有二十行寶光楷之同調合韻差池

去就羽翮齊振依蕭附王

道成僧虔

俱曰慕蘭論骨氣而胡

壯驗精神而顧峻猶岸柳之先春得地連於河潤

顧寶光吳

郡人齊司徒左西掾今見具姓名行書兩紙共二十行胡楷之南昌人度支尚書今見帶名行書一紙共八行

希秀之迹敬叔之倫

薄紹之

正則緊促有度草則拘檢靡

申如儉德君子清朝士人

徐希秀瑯邪人齊驍騎將軍今見具姓名行書草書二紙

共二思光逸才揮翰無滯超寶光之力從僧虔之制越

恒規而涉強出衆格而靡繼如塞路蓬轉摩霄驚戾

張融

字思光吳郡人齊司徒左長史今見具姓名草書一紙九行也

梁則高祖叔達恢弘厥

躬泯規矩合童蒙文勝質而德寡明察衆而理窮猶巧

遺璞玉心愜雕蟲

蕭衍字叔達蘭陵人順之子齊僕射大將軍封梁王及受禪即位是為梁

武帝今見帶名行及制草雜批等四十餘行

簡文摹鍾不瑕有害敬景喬而

含古

蕭子雲

肩邵陵而去泰

簡文帝諱綱字世讚武帝子今見帶名正書啓四紙并寫

禪師碑文六紙及行書四行

世調則氣吞元常若置度內方之惠達

蕭

旨趣猶昧擅令譽而徒高考遺蹤而罕逮

邵陵王綸字世調武

帝子今見帶名行書三紙

孝元不拘快利睢盱習寬舒於一體加緊

薄而小殊惟數君之翰墨稱去

聲

天倫之友于皆可比蘭

菊殊芳鴻鴈異軀

孝元帝諱暉字世誠武帝子今見具姓名行書一十三行

仲正則

寬而壯賒而密婆娑蹒跚約文質稟庭訓而微過任

天然而自逸若衆山之連峰探仙洞而不一

蕭確字仲正綸子梁

廣州刺史永安侯今見具姓名行草書兩紙一十五行

景喬則潤色鍾門性情勵

已豐媚輕巧纖慢旖旎詩雖易其國風賜豈賢於夫子

猶鸞窺鏡而鼓翼虎不啞而履尾

蕭子雲字景喬蘭陵人梁侍中國子祭酒

今見正書具姓名啓及臨右軍書共一十四行又見草書六十餘紙

名劣筆健乃逢王克

通流未精疎快不忒猶腐儒壯士運用自得

王克卿郗人梁尚書僕射

今見具姓名草書
四行有胡昂印尾

陸杲迅熟騁健遣能任縱便無風稜

如郊垌羽獵戕狨奔騰

陸杲吳郡人梁光祿大夫揚州大中正今見具姓名草書九行

體雜閑利觀夫彥昇構牽掣而無法任胃襟而足憑猶

注懸泉咽凝冰

任昉字彥昇樂安人梁吏部郎中掌著作今見具姓名草書五行

茂遠

健銳足以自給彥和連環迅不可及如過雨之奔簷溜

飛燎之焚原隰

傅昭字茂遠北地人梁秘書監金紫光祿大夫貞子今見具姓名草書一紙二

十一行朱異字彥和吳郡人中領軍右僕射今見具姓名草書十二行

文海緊快勢失氣

高未忘俗格銳意操刀猶樂成成名於朝市嗤遁跡於

蓬蒿

王籍字文海瑯邪人僧佑子梁左塘令今見具姓名草書凡八行也

季和慢速風規

所屬圓轉頗通骨力未足

殷鈞字季和陳郡人梁國子祭酒今見行書草兩帖共有

一紙三行

文幾纖潤穩正利草軟媚橫流姿容美好若其抑

阮褒殷庶幾同塵似泉激溜於懸磴木垂條於晚春

阮研

字文幾陳留人梁交州刺史今見具姓名正行草書五十餘紙

惟子深與惠達總景喬

之幼志俱親拂毫同陪結字深正穩而寡力達草寬而

豐意或比父而疎省或過師之巧媚誰與別其羅紈且

見同乎篋笥

王褒字子深瑯邪人規子梁尚書僕射雲妻之猶子今見正行草書具姓名共有三

十六
紙

肩吾通塞秉之天性工歸文華拙見草正徒聞師

阮

阮研

何至遼賈使鉛刀之均鋒稱並利而則佞

庾肩吾字叔慎新野

人梁度支尚書今見其姓名行書三紙

通明高爽緊密自然擺闔宋文峻

削阮研載窺逸軌不讓真仙猶髯龍頂鷲奮舉雲天

阮陶

景字通明丹陽人隱居山林帝追諡貞白先生今見其姓名正行書一十三行

彥標氣充任力

或滯猶翮短風高昇沉靡制

江蔭字彥標濟陽人梁吏部侍郎今見其姓名行書

三
行弘讓迅快放誕可觀利疾速着筆墨輕乾若星居僻

陋蔓草樛櫟

周弘讓汝南人弘正弟今見草書七行有胡昂印尾

蠢蠢懷約任已

作制若孤陋儒生辛勤一藝

范曄約吳郡人梁東宮侍書今見正書寫正覽一卷

并具姓名行書一紙

爰及陳氏霸先創業盤桓有威牢落無法如

王師憑怒挫衄攻劫嗟文煬而不知徒染毫而敗業

陳霸

先潁川人文繼子歷梁司空丞相封為陳公後受禪即位是為陳武帝今見批沈恪啓行書四行文帝諱蒨字

子華武帝子見批陸瓊啓行書三行煬帝諱叔寶字元秀宣帝子今見帶名行書一紙沈后氏德名標

發華允光親署獨美可嘉如晚晴陣雲傍日殘霞

煬帝后沈

氏吳興人居理女今見署一紙發華二字

叔齊鬱然名押而已伯仁軟慢尺

牘近鄙欽榮之之勁舉雖心師而入流高疎壯浪復覩

伯謀並如策馬馳逐葦航泛流

新蔡王叔齊字子肅煬帝弟今見署名草書一

紙廬陵王伯仁字壽之煬帝子今見具姓名行書四行永陽王伯智字縈之廬陵弟今見帶名行書共七行桂

陽王伯謀字深之永陽弟今見帶名行書共五紙

智永智果禪林筆精天機淺

而恐泥志業高而克成或拘凝重蕭索家聲或利凡通

周章擅名猶當作緇門之領袖為當代之準繩並如君

子勵躬於有道高人保志而居貞

會稽永欣寺僧智永俗姓王氏右軍孫今

見真字草字千字文數本并帶名草書二紙僧智果帶名草書一紙

陂陀總持獨步方外

甘率性而衆異非接武於興會若時違隱淪卒不冠帶

江總字總持濟陽人陳尚書令
今見具姓名草書一帖三行

孝穆鄙重剛毅任拙猶

偏裨武夫膽勇智怯

徐陵字孝穆東海人陳僕射
今見具正書帶名啓一紙

仲倫

則快速無度馳突不疎尺題已終筆勢仍餘似逸籠檻

之衆鳥恣飛鳴之所如

沈君理字仲倫吳興人陳尚書
吏部侍郎駙馬都尉今見具名

草書
一紙

德彰率爾流浪急速骨氣乍高風神入俗符縱志

而失道等潰河與顛木

袁憲字德彰陳郡人陳右僕射
今見具姓名草書兩行有胡印

印快哉伯武心空

去聲

手敏古風若遺今範惟允如平郊

逸驥晚景飛隼

毛喜字伯武滎陽人陳吏部尚
書今見具姓名草書共四紙

翩翩濟

陽茂世希祥任樸無聞適俗不忘父輕而迅子厚而強

蔡景歷字茂世濟陽人陳度支尚書今見其姓名行草書三紙子微字希祥陳中書令今見其姓名草書三紙

接武隨波雷同野王異礪肥之挺質俱竹柏之凌霜野

王字希憑陳黃門侍郎領大知道則寬疎弛慢無可取

則削凡常病室塞猶岸陸縱獼艱辛騁力寔知道字昌平陳鎮北長

史今見其姓名草書二紙含茂悠悠薦臻同德遭時季而陵替俱道

喪於翰墨使麋鹿為後先非勝負可差忒謝嘏字含茂陳郡人陳中

書今今見其姓名行草書三紙賀氏曰朗雖非動人不事筆力猶阻學

貧三者若宦遊旅泊衣化風塵

賀朗會稽人陳秘書監今見具姓名草書三紙

文深孝逸獨慕前蹤至師子敬如欲登龍有宋齊之面

貌無孔薄之心胃

趙文深天水人後周為書學博士書迹為時所重王孝逸湯陰人隋四門

助教深師右軍逸效大令甚有功業當平梁之後王褒入國舉朝貴胄皆師於褒唯此二人獨負二王之法俱入隋臨二王之跡人間往往為貨蕭條北齊浩瀚仲寶劣充凡正備法

緊草遐師右軍歟爾由道究千變而得一乘薄俗而居

老如海嶽高深青分孤島

劉岷字仲寶彭城人彥英子北齊三公郎中今見具姓名

草書一十三行隋則玄平嗣芳訛熟名揚彥謙草力浮緊循常

糟粕右軍之化依稀夫子之牆皆如益星榆之衆象無

月桂之孤光

劉玄平岷之子潔志高蹈隨贈貞範先生
今見具姓名行書二紙房彦謙清河人司

觀刺史今見具
姓名草書十紙

昌衡跌宕率爾而作雖蔑法而或乖乃

由衷而不忤似野筍成竹長風損籜

盧昌衡字子均范
陽人隋侍中贈司

空父道虔子均隋祠部侍郎太子
左庶子今見具姓名行書二紙

朱長文曰予既編此書十卷復得索靖楊泉劉邵王

僧虔賦惜其非完篇張懷瓘寶象蓋亦未嘗見此乃

知古人論書之作甚多而傳者鮮吾徒可不為之珍

錄哉至於書札所及吾猶不忍棄也而竇叟之賦雖
風格非古其勤博亦可尚已

贊述之二

唐竇叟述書賦下

我巨唐之膺休一六合而闡幽武功定文德脩高祖運

龍爪陳睿謀自我雄其神貌冠梁代之徽猷

神堯皇帝
隴西李氏

諱淵莘隋為唐王右軍書柱作爪形時觀者號為
龍爪書高祖師王褒得其妙故有梁朝風格焉

太宗則

備集王書聖鑒旁啟雖躡閭井未登階陞質詎勝文貌

能全體兼風骨總法理

文武聖皇帝諱世民神堯子當貞觀年中鴈集二玉真跡徵求

天下併
充御府

武后君臨藻翰時欽順天命而永保先業從人

欲而不顧兼金睿宗垂文規模尚古飛五雲而在天運

三光以窺戶開元應乾神武聰明風骨巨麗碑版崢嶸

思如泉而吐鳳筆為海而吞鯨諸子多藝天寶之際迹

且師於翰林嗟源淺而波細

則天皇后沛國人武氏士
護女時鳳閣侍郎王方慶

即晉丞相導十世孫有累代祖父書跡寶傳於家凡二
十八人緝成一十一卷皇后制問方慶慶因而獻之后
不欲奪志遂盡模榻留內其本加寶軸錦繡歸還王氏
人到於今稱之右史崔融撰王氏寶章集序具紀其事

睿宗皇帝天皇第四子性淳和好書史尚古質書法正
體不樂浮華天元開寶皇帝仁慈孝和兼負英斷好圖
畫少工八分書及章草殊豐茂英特開元中八分書北
京義堂西嶽華山東嶽封禪碑雖有當時院中學士共
相摹勒然其風格大體皆出自聖心漢王童年自得書意夙承義獻守法

不二

漢王元昌
文皇帝弟

惠文靡倦博好敦勸恨夫有始無終灰

燼成空苟懼存而投閣徒榮歿而昇空尚可謂梁園筆壯

樂府文雄累聖重光之盛業六書一藝之精工非所以

抑至人之循已服勇士以雕蟲責繁聲於韶濩徵艷色

於蒼穹

岐王元範追冊惠文太子開元皇帝時天府圖
書為張昌宗竊換張氏誅後歸薛稷稷歿為王

所得初不聞奏後被火盡焚之言樂府文
雄者王多能好事有文詞時為歌者所唱爰有懷琳厥

迹疎壯假他人之姓名作自己之形狀高風甚少俗態

猶多吠聲之輩或浸餘波
李懷琳洛陽人國初時好為偽迹其大意就稱王書及七

賢書假云薛道衡作字叙及竹林叙事并衛夫人咄咄逼人嵇康絕交書並懷琳之偽迹若乃出自

三公一家面首歐陽在焉不顧偏醜齟齬縮爽了梟黜

糾如地隔華戎屋殊戶牖學有大小夏侯字有大小歐

陽父掌邦禮子居廟堂隨運變化為龍為光
歐陽詢長沙人統之

子幼孤陳中書令江總收養書出於北齊三公郎中劉珉官至率更令太常少卿子通亦能繼美拜納言封勃

海公永興超出下筆如神不落疎慢無慙世珍然則壯

文幾而老成與貞白而德鄰

陶隱居

如層臺緩步高謝風

塵纂煥嗣聖體多拘檢如彼珷玞亂其琬琰

虞世南會稽人荔之

予也官至秘書監贈禮部尚書子纂孫煥皆能繼也

河南專精克儉克勤服膺告

誓銳思猗文恐無成如畫虎將有類於效顰雖價重衣

冠名高內外澆漓後學而得無罪乎

褚遂良河南人亮之子尚書左僕射

拜河南公也

東之效虞疎薄不逮少保師褚精華却倍超碩

鼠之效能愧隋珠之掩類

陸東之吳郡人宣公子虞氏之出官為著作郎薛稷河東

入太子少保也房文昭則雅而能和穩而不訛精神正氣冒臆

餘波若蘋萍異品共泛中河

房喬字玄齡清河人房謙之子官至司空贈太尉文

昭公殷公王公齊名兼署大乃有則小非無據騏驥將騰

鸞鳳欲翥題二榜而迹在數百川而身去

殷仲容陳郡人不害之孫

今名之子與世工書尤善書額官至禮部郎中汴州安業寺額京師義興業資聖寺東京太僕寺靈州馬神觀額皆精妙曠占王知敬太原人傳孝義工正行亦善署書與殷殊塗而同歸兼草書弟知慎工圖畫兄官至秘書少監弟官至少府少監當時雙絕與仲容齊肩天后詔一人署一寺額仲容題資聖寺知敬題清禪寺額俱為獨絕仲容子承業知敬子友真即杜尚書暹之親舅洛州長史德政二賈碑在修竹寺東南角即知敬之

迹極峻利豐秀清禪資聖寺至今為路人識者駐
車往觀其濟度寺即父令名手蹤皆為後代程式王祕

監則首末全貞尊道重德或終紙而結字或重模而足

墨護落風規雄壯氣力播清譽而祖述攄見賞於有識

如曲浦鴻鳴芳園桂植

王紹宗瑯邪人修禮之子官秘書少監

虔禮凡草

間間之風千紙一類一字萬同如見疑於冰冷甘沒齒

於夏蟲

孫過庭字虔禮富陽人右衛胄曹參軍

張長史則酒酣不羈逸軌

神證迴眸而壁無全粉揮筆而氣有餘興若遺能於學

知遂獨荷其顛稱

張旭吳郡人左率府長史俗號張顛

雖宜官售酒子敬揮

簾遐想適觀莫能假手拘素屏及黃卷則多勝而寡負

猶莊周之寓言於從政乎何有

後漢師宜官工書嗜酒每遇酒肆輒書於壁聚

觀酒因大售計償價足而臧之王于敬以帚沾墨書壁觀者如市已上皆言旭之可比也湖山降祉

狂客風流落筆精絕芳詞寡儔如春林之絢綵實一望

而寫憂雍容闊省高逸豁達解朝服而還鄉脫霓裳而

辭闕

賀知章字季真會稽永興縣人太子洗馬德仁之孫少以文詞知名極工草隸進士及第歷官太常

少卿禮部侍郎集賢學士太子右庶子魚皇太子侍讀檢校工部侍郎遷祕書監太子賓客慶王侍讀知章性

放善謔晚年尤縱無復規檢年八十六自號四明狂客每與酣命筆好書大字或三百言或五百言詩筆唯命

問有幾紙報十紙紙盡語亦盡二十紙三十紙紙盡語亦盡忽有好處與造化相爭非人工所到也天寶二年以老年上表請入道歸鄉里特詔許之重令入閣諸皇已下拜辭上親製詩序令所司供張百寮餞送賦詩叙別知章表謝手詔荅曰卿儒才舊業德著老成方欲乞言以光東序而乃高蹈世表歸心妙門雖雅意難違良深耿歎眷言離祖是用贈詩宜保松喬慎行李也

廣平之子令範之首姪婉鍾

門逶迤王後武都先覺翰墨泉藪子敬元常得門窺牖

侍中簡穆異代同友於孔門而升堂惜顏子之不壽

徐嶠

之東海人廣平太守子浩中書舍人國子祭酒李造隴西人武都公言侍中簡穆即子雲僧虔韓常侍

則八分中興伯喈如在光和美古今迭代昭刻石而

成名類神都之冠蓋

韓擇木昌黎人工部尚書歷右散騎常侍

赫赫許昌翰

苑文房徵前賢而少對當聖代而難方

田琦鴈門人德平之孫工八分

小篆署書圖畫寫洪崖子圖并畫雪皆行於世官歷陝令豫蘄許等州刺史繅裝皆有孫栖梧尤妙其事寫武

德功

衛包蔡隣工夫亦到出於人意乃近天造

衛包京兆人工

八分小篆通字學兼象緯之術官至尚書郎蔡有隣濟陽人善八分本拙弱至天寶之間遂至精妙相衛中多

奇迹

榮陽昆弟内外光華揮毫美麗自是一家幼弟曰逾

丹青大誇信斲玉而剖石即揀金而披沙

鄭遷及弟遇並工八分崔

氏之出中書令崔湜之甥遷官至拔儀尉季弟逾善山水天寶中知名梁宋

溫良之德藻翰

兼美誠依仁以遊藝同上善之若水

皇室李權工八分弟樞工小篆姪平

均亦工小篆兼妙山水並冠絕一時淮安王神通曾孫權歷官金州刺史平均富詞學江陵掾詩入國

風筆超神迹李將軍世稱高絕淵微已過薛少保時許美

潤英粹含極

王維字摩詰瑯琊人官至右丞詩通大雅山水之妙勝於李思訓弟縉太原少尹文

筆泉數善草隸書功起薛稷二公名望首冠一時議論詩則曰王維崔顥論筆則曰王縉李邕

史侍御

惟則必復世業階乎籀篆古今折衷大小應變如仰高

臺而矚遠俯川陸而必見

史惟則廣陵人殿中侍御史即諫議大夫白之子白善飛

白書一門鼎盛趙郡李君嶧山並驚宣父同羣洞於字學

古今通文家傳孝義意感風雲

李陽冰趙郡人父雍城湖縣令家世住雲陽書

日門作尉陽冰兄弟五人皆負詞學工於小篆初師李斯嶧山碑後見仲尼吳季札墓誌便變化開合如虎龍勁利豪爽如風行雨集文字之本悉在心胃識者謂蒼頡後身弟解解子騰子均並詞場高邁幼子日廣勤學孝義以通家之故皆同于弟也延安君則快速不滯若懸流得勢三原

君則婉媚巧密似垂楊初霽

吾舅緯繪彭城人延安都督姨兄明若山西平原人京

兆三原縣尉大理評事

宋儋李璆擅美中州李師王而意淺宋祖

鍾而體流

宋儋字藏諸廣平人高尚不仕戶部侍郎字文融薦授祕書省校書郎書作鍾體而側戾

放縱迹不副名開元末舉塲中後輩多師之李璆隴西人御史大夫傑之凡子性疎達輕財重然諾筆路緊媚

亦有聲於當代為狄
字清李新所師也

員外蕭公名成於薛安西變體光

潤愉悅

蕭公名誠蘭陵人梁之後起家奉禮郎開元初

紋紙用西山野麻及號州
土穀練五色光滑殊絕

張氏四龍名揚海內中有季

弟功夫少對右軍風規下筆斯在

張從申長史文場擢
第從師監察御史學

灼然有才從申志業精純工正行書握管用筆其於結
字緊密近古所無恨於歷覽不廣聞見遂寡右軍之外
一步
不虧
呂公歐陽鍾王相雜自是一調雖則筋骨乾枯終

是精神險峭其餘小楷尤更巧妙

呂向東平人開元初
上美人賦忤上時張

說作相諫曰夫鬻拳脇君愛君也陛下縱不能用容可
殺之乎使陛下後代有憤諫之名而向得敢諫之直與

小子便耳不如釋之於家承恩轉拜補闕賜采百段衣服銀器朱綬翰林待詔頻上賦頌皆主諷諫官至刑部侍郎文詞學業當代莫比有子曰廣聰利俊秀有史才拜監察御史

吾兄書包雜體首冠

衆賢手倦目弊瞬息彌年比夫得道要之深旨習閭風

而欲仙

家兄蒙字子泉司議郎安南都護

馬家劉氏臨效逼斥安西蘭亭

貌奪真迹如宓妃遺形於巧素再見如在之古昔

翰林書人

劉秦妹歸馬氏妻

押署則縱僧權而長松掛劍結體則斂滿騫

而盤石卧虎

徐僧權中山人滿騫富陽人

繁多乃懷克懷珍稀少乃

延祖脣祖

唐懷克晉昌人姚懷珍武康人陳延祖長安人范脣祖順陽人

熾文時有何妥

近親雖正姓名美其傲古恨連書於至寶無尺牘之行

伍

沈熾文武康人何妥外國人

印驗則玉斲胡書金鐫篆字

太平公主武氏

家五印四胡字也

少能全一多不越四國署年名家標望地獨

行適益

即魏王恭家印

並設寶泉

范陽公寶諱泉書印

貞觀開元文止於

二

貞觀印太宗文皇帝印開元印天寶皇帝印並當時年號

陶安東海徐李所秘

徐祭

酒李起居

萬言方才翰圉其類

前延王友寶永書印

張氏永寶

張懷瓘

任

氏言事

未詳

古小雄文東朝周顥審定游執

家兄司儀部書印

亭

侯襲貴

未詳

猗與劉鄭

故劍州司馬諱知章書印鄭未詳

門承貂珥義仰

彭城

吾舅金部郎中諱輝書印

業同印異

司馬郎郎中之季父今各有印

或有慙於

稽古諒無乏於雅致宋虞絛表聞於明皇帝齊簡穆書

荅於竟陵王表稱委盡書仍備詳

宋中書侍郎虞絛上明皇帝表論古今妙

迹正行草楷紙已標軸真偽卷數無不畢備表本行於世真迹故起居舍人李造得之齊司馬簡穆公瑯邪人王僧虔荅竟陵王子良書序古今善書人評議無不至書本行於世其真迹今御史大夫黎翰得之藻鑑

則梁高祖巧而未博

武帝時撰書評

邵陵王博而未至

蕭綸書評

庾

度吏失品格拘以才華

梁庾肩吾撰書品論

傅五兵比亡年廣於

職位

梁傅昭撰書法目錄

名錄編於司馬

隋蜀王府司馬姚最撰名書錄

善狀集

於散騎

左散騎常侍姚思廉善書人名狀

李亞相著藻飾之繁

右御史大夫李

嗣真撰

張兵曹擅習翫之利

率府兵曹鄂州長史張懷瓘撰十體書斷上中下

考數公之著稱多博約而立記余不敏於登高豈虛言
而求備敢直筆於親覩非偏譽於所嗜也我小司空韋
公曰述識該藝府才同史筆茂族挺生聖朝間出若乃
闡異聞之旨接片善之勤則必忘疲吐握不間風塵所
談而改觀為市所寶而增價為珍小擅聲於自我大推
美於其人彼凡百而馳名既往遇此公而其德維新可

謂千載一時孤標絕倫矣

韋述京兆人尚書工部侍郎

及乎驗德力

之巧拙知古今之優劣余稽古而翫能因假手而有說

匪徒姓名記錄面目超越相質披文虛空歲月者也是

用相如慕蘭撫新迹而忘懷豈甘賜也望回抱遐心而

結舌終冀乘時出處備展名節其或萃傳巖

鍾紹京南康人中書

令光祿大夫聚寶損金川海流納

而會潁川

伯父諱瞻邠王司馬耽說達音固求不匱

歸右史

李造佛鏡旁通傾心善價

而入補闕

席翼安定人右補闕心專務得家業或遺

祭酒

徐造去則

道存徵求非利

翰林之尋究

張懷瓘兄弟懷盛郡司馬並翰林待詔俱好無厭亦能臆斷

烏臺

潘履慎榮陽人監察御史克遵能事採詠芳猷粉署之敷聞蔡希淑濟陽人金部郎中習學潤身

假借欣給事之道弘弘族兄詔給事中志雅道不倦虛求仰議郎之區別

宗兄銳思窮源增耀改歡韓生委輸韓滉潁川人給事中委質慮遠推誠道傳滕子擁決

滕昇歛州婺源縣令取舍通流筆利泉藪張氏旁求張懷瓘海陵人為鄂州司馬利無推斥道在精

專陸家胥悅陸曜吳郡人卷緝前芳事窮先志釋拙超彼岸東京福光寺僧良拙

新羅人俗姓林氏遇捐衣鉢逸冠緇流梅仙行無轍高志宜渤海人同官尉氣尚古風力知能

事溫播金聲溫晁太原人國子監主簿悉心景慕徒衆博求崔含冰潔崔曼清河人鄆

縣尉浩瀚經警見如不及若驚陳趙陳閱潁州人王府長史趙徵明天水人或志敦習學或自悅古

能皆觀之無數

賈勇徐薛

徐守行東海人監察御史薛邕河東人郎中或雜古招致或究能隆拔並

求之

關郭雙奮飛

關撫咸陽人郭暉太原人或規規耽好或楚楚傳寫

潘袁兩傾

竭

潘叔會稽人素明陳郡人或披尋治道或醞籍樂貧

簪纓布素申道間設既輻

輳而川流並觀光於俊哲速珠玉而無脛可得畧而言

曰長安則穆聿

穆聿咸陽隴右人少以販書為業後至德中因告訐徵搜古迹并強佔石泉公

家則天皇皇后所選書功白身授金吾長史改名祥乘危射利

王昌

遼東人詞荒智狡

導其源

葉豐

括州人貌恭性僻

田頴

長安人志凡識滯

委其軀必拾遺市駿懷寶

飛鳧洛陽則杜福

河南人論熟行功

劉翌

洛陽人苦志心廉

窮彌固齊

光

河南人 道
寡業微

趙晏

河內人 智
專別識

樂忘劬皆誇目動利實繁有

徒詩不云乎匪斧語有之曰反隅若或微數子之運用甘
千里之殊途則我雞犬而無往無來子衣裳而不曳不婁
成一家之憬彼睽四海之友于

言通
貨利

事符道因心與日親

幾變灰律涉厯冬春互為賓主往返周秦左翊吾兄業勤幽

遠

名錫同
州別駕

龍興張揖道契真淳

因潘淑獻書闕庭
拜為龍興縣尉

雅興閑

關而隨扣古風開卷而襲人不然者何窮獨而恣怡悅舍

市朝而貪隱淪

言尚
往來

衆美森然往哲來賢一朝而星羅入

眼百代而雲披及肩身已沒兮若休迹遺芳而可傳彼金
印玉璽豐碑貨泉蟲篆制而八分開焉正隸興而藁草行
焉不可量乎所親又何極乎備宣若乃流譽前代效績當年
錄軍機而羽拈鷹隼述國命而發揮貂蟬通親友以感節
啓謀猷以聞天接武波委嗣芳鱗連則余不讓於賦頌敢
分蚩而別妍乎幼好而晚知之乃至熟也曲察而直言
之斯無愧歟將拭目而衆利輕言入掌而百憂俱瀉其
藤苔縑縠側理蜀幅花麻黃絢緇紺綠淪壓而邇靈

亡文

蓄非其人雖近朝亦朽蠹

保持而遠完緘卷

處得其地雖遠古而完全

上智

所以懸解

直曉

中庸所以交戰

疑

之取迷伊地貽笑鄙淺則

有烏絲縹首紫繭露面好丹時更

平聲

悲素色變狀玄豹

之霧隱規雕虎之風扇雖置水彌旬移裝屢遍益深沉

於直質乃容易於覽見嗟乎捨不疑於古疎

高聲

取憑假

於俗眩

眩惑

誘淺情於末興肆凡賞而留眄何有妄哉寧

知立法而虧真作德而還淳忘情是悅代有其人

言定是非

必也易皆以時

時在正憂

受彩無欺敏洽和之妙道得潤軟

之成規

同題調通
既陰以成

疎密苦樂殊形異宜

厚薄
完露

上約下豐

始增末裨

接上下
前後例

姑將實名位充合離或附卷均端足

使其夷

薄而
露者

或鳴砧妥帖然後呈姿

厚而
完者

探尋源流志

逸肥遁緝合剪裁躬勞不悶明齊短長閤決分寸誠忽

忽於或躁祛恨恨之遺恨至如虹縈絲帶鸞舞錦標青

間綾紋出之衣表檀心鼈首金映銀絡舒囊貌妍撫卷

香作多此飾類又難詳備

並言討檢
裝背也

若乃見稀意欲雖

可棄而崑山片玉翫久厭充雖可寶而紈扇秋風競捨

茲而易彼誇視審而聽聰或芟穢於匿迹一作近或喪真

於矜工夥哉耳誤眇矣目窮因既原乎識量遂懸別其

淹通已分流而在茲徒並驚而爭雄言申傳易假使作偽心

勞亂真首出昧目童幼摧殘紙筆終令君子棄瑕以拔

材壯士斷腕以全質期補勞於得喪勵採葑於始卒子

猷之竹在焉曷可無其一日言務弘道夫喻太始於事卑方

崇極於類聚况物著公器賞推善主冀清白而非弓裘

豈孫謀而紹宗祖抑如堯禪舜舜命禹道必貴乎聲同

天無親而德輔歸可保於授受靡自私而禦侮故垂其
趨者則密戚而心捐合其執者則舉讐而掌紙倚亮玉
帛之芬屬望吾徒之義至其罷琴閑堂散袞虛牖閱新
連之卷軸傾舊滿之樽酒暢懷古而遺形荷逢時以濡
首炎涼所寄偃仰無咎秋撫孤松春過五柳想薜蘿而
在眼狎鸞鳳而盈手善隣德朋知我益友暗遺名利卧
度邛酉遂志願兮苟若斯生可憑兮死不朽雖金翠溢
目陶飽聒耳徒有色於多歡實無階於競美賢賢易色

勿藥有喜茅居食貧陋巷飲水誓將敦素業而畢世振
清風而何已亂曰資樂道兮善莫大佐玄覽兮寄所賴
芝蘭滿室兮遺美芳朋友忘言兮古人會想賢翫迹兮
儼如在史冊悠悠兮幾千載

述書賦語例字格

吾弟尚輦君子靈長翰墨師張王文章凌班馬詞藻雄
膽草隸精深平生著碑誌詩篇賦頌章表凡十餘萬言
較其巨麗者有天寶中獻大同賦三殿蹴鞠賦以諷興

諫諍為宗致君救時為本帝乃咨爾可編筴書中使王
人榮耀戚里龍章鳳篆寵錫儒門及乎晚年又撰述書
賦總七千四百六十言精窮旨要詳辨秘義無深不討
無細不聞徵五典三墳考九邱八索詩騷禮易文選詞
林猶不盡所知故別結語立言曲中幽奧一字一句數
義傍通尚輦君學究天人才通詁訓注解分析皆憑史
傳注有未盡在此例中意有未窮出此格上凡古今明
哲正文呼字尊貴長老各言其親或取便引官或因言

稱爵句則兩字三字五言四言而於其以之間或六或
八改時革命之際舉一相從慮學者致疑仍施朱點發
此語之理例別有字格存焉凡一百二十言并注二百
四十句且褒貶還同諡法披文感切撫已崩摧手跡宛
然如向來之放筆天才卓爾成千載之分襟考義銘心
言笑在目一枝先折痛貫肝腸兩眼既枯哀纏骨髓

忘情

鵬鷗向風自成
鷺鷥

天然

鷺鷥出水更
好客儀

質朴

天仙玉女粉
黛何施

斷磨

錯綵雕文萬
中巧妙

體裁

一舉一措盡
有憑據

意態

迴翔動靜厥
趣相隨

不倫

前濃後薄半敗半成

枯槁

欲北還南氣脉斷絕

專成

宜師一家今古不雜

有意

志立乃就非工不精

正

衣冠踏拖若行若止曰正

行

劍履趨鏘如步如驟曰行

草

雷擊電奔龍蛇出沒曰草

章

草中隸古蹴踏柳打曰章

神

非意所到可以識知曰神

聖

理絕名言潛心意得曰聖

文

經天緯地可久曰文

武

迴戈挽戔拉虎掣豹曰武

能

千種風流曰能

妙

百般滋味曰妙

精

功業雙極曰精

古

除去常情曰古

逸

縱任無方曰逸

高

超然出衆曰高

偉

精采照射曰偉

老

無心自達曰老

喇

逞能越妙曰喇

嫩

力不副心曰嫩

薄

闕於圓備曰薄

强

筋力露見曰强

穩

結構平正曰
穩

快

興趣不停曰
快

沉

深而意遠曰
沉

緊

圈合密緻曰
緊

慢

舉止閑詳曰
慢

浮

若無所歸曰
浮

密

間不容髮曰
密

淺

涉於俗流曰
淺

豐

筆墨相副曰
豐

茂

字外有餘曰
茂

實

氣感風雲曰
實

輕

筆道流便曰
輕

瘠

瘦中有力曰
瘠

疎

違犯陰陽曰
疎

拙

不依淺巧曰
拙

重

質勝於文曰
重

纖

文過於質曰
纖

貞

骨清神正曰
貞

艷

少古多今曰
艷

峻

頓挫特達曰
峻

潤

音趣調暢曰
潤

險

不期而然曰
險

怯

下筆不猛曰
怯

畏

無端羞澁曰
畏

妍

妍透逗擲打曰

媚

媚急居形外曰

訛

訛截鋒隱迹曰

細

細運用精神曰

熟

熟過猶不及曰

雄

雄別負英威曰

雌

雌氣候不定曰

飛

飛若滅若沒曰

爽

爽肅穆飄然曰

動

動如欲奔飛曰

成

成一家體度曰

禮

禮動合典章曰

法

法宣布周備曰

典

典從師約法曰

則

則可以傳授曰

偏

偏惟守一門曰

乾

乾無復光輝曰

滑

滑遂乏風彩曰

駛

駛波瀾驚法曰

放

放流浪不羣曰

閑

閑輕駕超殊曰

拔

拔孤雲乍遠曰

鬱

鬱勝勢舉起曰

秀

秀翔集難名曰

束

束興至不弘曰

穠

穠五味加足曰

峭

峭峻中勁利曰

散

散有初無終曰

質

質自少妖妍曰

魯

魯本宗淡泊曰

肥

肥龜臨洞穴浸而有餘曰肥

瘦

瘦鶴立喬松長而不短曰瘦

壯

壯力在意充曰

寬

寬疎散無檢曰

朱長文曰唐竇臯述書賦古人評品之所遺觀此知介善片能不可輒棄也唐人好書多藏以相矜歷五季之亂所存無幾可為之太息

贊述之三

唐杜甫題殿中楊監見示張旭草書圖

斯人已云亡草聖秘難得及茲煩見示滿目一棲惻悲
風生微綃萬里有古色鏘鏘鳴玉動落落羣松直連山
蟠其間溟漲與筆力有練實先書臨池真盡墨俊拔為
之生暮年思轉極未知張王後誰並百代則嗚呼東吳
精逸氣感清識楊公拂篋筭舒卷忘寢食念昔揮毫端
不獨觀酒德

唐杜甫贈李潮八分小篆歌

蒼頡鳥跡既茫昧字體變化如浮雲陳倉石鼓文已訛
大小二篆生八分秦有李斯漢蔡邕中間作者寂不聞
嶧山之碑野火焚棗木傳刻肥失真苦縣光和尚骨立
書貴瘦硬方通神惜哉李蔡不復得吾甥李潮下筆親
尚書韓擇木騎曹蔡有隣開元已來數八分潮也奄有
二子成三人況潮小篆遇秦相快劍長戟森相向八分
一字直百金蛟龍盤挐肉屈強吳郡張顛誇草書草書
非古空雄壯豈知吾甥不流宕丞相中郎丈人行已東

逢李潮逾月求我歌我今衰老才力薄潮乎潮乎柰汝何

唐僧懷素藏真自叙

懷素家長沙幼而事佛經禪之暇頗好筆翰然恨未能遠覩前人之奇迹所見甚淺遂擔笈杖錫西遊上國謁見當代名公錯綜其事遺編絕簡往往遇之豁然心胃略無疑滯魚戕絹素多所塵點士大夫不以為怪焉顏刑部書家者流精極筆法水鏡之辨許在末行又以尚

書司勳郎盧象小宗伯張正言曾為歌詩故叙之曰開
士懷素僧中之英氣槩通疏性靈豁暢精心草聖積有
歲時江嶺之間其名大著故吏部侍郎韋公陟觀其筆
力勗以有成今禮部侍郎張公謂賞其不羈引以遊處
兼好事者同作歌以贊之動盈卷軸夫草藁之作起於
漢代杜度崔瑗始以妙聞逮乎伯英尤擅其美義獻茲
降虞陸相承口訣手授以至於吳郡張旭長史雖姿性
顛逸超絕古今而模楷精法詳特為真正真卿早歲常

接遊居屢蒙激昂教以筆法資質劣弱又嬰物務不能
懇習迄以無成追思一言何可復得忽見師作縱橫不
羣迅疾駭人若還舊觀向使師得親承善誘函挹規模
則入室之賓捨予奚適嗟嘆不足聊書此以冠諸篇首
其後繼作不絕溢乎箱篋其述形似則有張禮部云奔
蛇走虺勢入座驟雨旋風聲滿堂盧員外云初疑輕烟
澹古松又似山開萬仞峯王永州邕曰寒猿飲水撼枯
藤壯士拔山伸勁鐵朱處士遙云筆下唯看激電流字

成只畏盤龍走叙機格則有李御史舟云昔張旭之作
也時人謂之張顛今懷素之為也余實謂之狂僧以狂
繼顛誰曰不可張公又云稽山賀老粗知名吳郡張顛
曾不易許御史瑤云志在新奇無定則古瘦瀟灑半無
墨醉來信手三兩行醒後却書書不得戴御史叔倫云
心手相師勢轉奇詭形怪狀翻合宜人人欲問此中妙
懷素自言初不知語疾速則有實御史冀云粉壁長廊
數十間興來小豁胃中氣忽然絕叫三五聲滿壁縱橫

千萬字戴公又云馳毫驟墨列奔駟滿座失聲看不及
目愚劣則有從父司勳員外郎吳興錢起詩云遠錫無
前侶孤雲寄太虛狂來輕世界醉裏得真如皆辭旨激
切理識玄奧固非虛蕩之所敢當徒增愧畏耳時大厯
丁巳冬十月二十八日

唐崔備壁書飛白蕭字記

壁書蕭字者梁侍中蕭子雲之書也

張懷瓘書斷云正
工飛白書變楷制

也宮觀題署用之字
徑丈宜輕微不滿

韓晉公領浙西之歲得於建業佛

寺置之南徐官舍函以屋壁俯瞰諸座隅及晉公入贊
廟謦啟手私第朱方官吏候其代者完葺舊府圯墁故
堂吏人以壁字昏蒙方以至帚塗上時故殿中李侍御
士舉為郤從事以晉公翰墨代無等儔自獲壁書施榻
于下耽翫妍味畧無已時士舉重馬始而方得及士舉
府除職停寓壁字於小吏之舍至甲申歲士舉為江西
從事通好江淮時李評事約咸閱圖書以示寮友士舉
方以壁字言於座中李君因而求之士舉云卿得皇象

羊欣蕭綸真草各一帖大鄭畫屏一扇若以彼易此爾
當自持去李君富於圖書酷好遐異遂以所求三帖并
大鄭畫屏一扇易馬後十餘年壁書自吳員來士舉於
道病卒向若李君不言此書即壁為朽壞於小吏之家
逸品絕前賢之迹固知興亡繼絕後不乏人工極藝精
中必有物加以子雲與國同姓所書蕭字圖卷側掠體
法脩焉信曩賢之妙門實後代之茂範其飛白書起於
蔡中郎待詔門下役者以堊帚成字心有悅焉歸而為

飛白書漢末魏初皆以題署宮闕其後張敬禮王逸少
子敬並稱妙絕子雲曲盡其法歐陽率更云蕭侍中飛
白濃淡得中蟬翼掩素其為前賢所重如此嗟乎景喬
此書今訪天下絕矣唯此蕭字在乎舊都三百年間竟
無賴地俾後人傳授似陰有保持余與李君寓家南徐
隣而友善獲覩妙迹感其將壞晉公出之方絕之迹李
君維之用徵其事故以蕭字志之

唐李約壁書飛白蕭字贊

梁侍中蕭子雲書祖述鍾王備該衆體始變蔡張二王

飛白古法妙絕冠時

古法飛白多其體尤拘八分故王僧虔云飛白是八分之輕者自

子雲變而飛多今但擬飛多者即非子雲之前不知後人亦有效古飛少者子雲又作小篆飛白

雖名

存傳記而迹絕簡素唯建業古壁餘此蕭字焉韓晉公

鑒古擅書聞知嗟異遷之於南徐置於海榴堂座右之

壁

又獲齊竟陵王蕭子良龍爪書十五字置於招隱寺以侍中之迹妙極故留以龍玩

余後獲之

載以入洛書之故實事之本末中書舍人張公崔監察

備撰記評焉余少好圖書耽嗜奇古雖志業不工而性

莫能遷非不干求爵祿心憎時事自與名疎非欲乖異
時尚養痾守獨所見遂僻僻則僻矣與夫酣酒聲色奔
走權利者俱亡羊也亡則孰多余每閱翫古迹而圖書
為先如逢古人似得良友加以琴酒靜暢書齋晝閑榮
富賤貧是日何在至若尋翰墨輕濃之勢窮點畫分布
之能與日彌深隨見愈妙嗟夫昔賢垂不朽之書如傳
寶於後世後人覩絕妙之跡見得意於當時名齊日月
情契古今傳曰游於藝可已乎知者相賀比獲蘭亭之

書世情觀之未若野人之不愧闕於世在世為無用之物苟適余意於余則有用已多乃作贊曰昔創飛白蔡氏所得起於望帝播於翰墨張王繼作子雲精極壁昏蜃素墨池古色翻飛露白乍輕乍濃翠箔映雪羅衣從風崩雲委地游霧縈空鱗刺勢動螺蟠氣雄昆池駭鯨禹門鬪龍攢毫疊札或橫或縱層層陣雲森森古松君子況德高人比蹤抱素自潔含章內融逸擬方外縱在矩中密而不雜疎而有容藝通造化比象無窮子雲臣梁

蕭字愈貴點畫均豐姿形端異巧絕重素名空傳記明
徵褒貶唯此一字

唐張諗蕭齋記

蕭字俱載舟還洛陽仁風里第思所以盡其瞻玩藏置
之宜謂箱櫝臨視不時又有緘啓動搖之變遂見精室
陷列於垣復本書之意得遙觀之美寂對虛牖勢若飛
驚雖烟露交飛龍鸞縈動輕旂翻揚微雲卷舒不能狀
也李君以至行雅操著名當時逍遙道樞脫落榮利識

洞物表神交古人而風致之餘特精楷隸所得魏晉已
降名書秘迹多矣亦不越於尺素之間未為殊情也蓋
壁字奇蹤乃為希寶意象所得非常域也故異而室之
文而志之夫蕭之為言也切然而清於文也蔚然而整
宜乎銘壁宜乎命齋蕭齋之名與此字傳矣

唐韓愈蚪斗後記

愈叔父當大厯世文辭獨行中朝天下之欲銘述其先
人功行取信來世者咸歸韓氏於時李監陽冰獨能篆

書而同姓叔父擇木善八分不問可知其人不如是
不稱三服故三家傳子弟往來貞元中愈事董丞相幕府
於汴州識開封令服之者陽冰子授予以其家蚪斗孝
經漢衛宏官書兩部合壹卷愈寶蓄之而不暇學後來
京為四門博士識歸公歸公好古書能通之愈曰古書
得其依據蓋可講因進所有書屬歸氏元和來愈亟不
獲讓嗣為銘文薦道功德思凡為文辭宜畧識字因從
歸公乞觀二部書得之留月餘張籍令進士賀拔恕寫

以留蓋得之十四五而歸其書歸氏十有一年六月四日右庶子韓愈記

唐韓愈石鼓歌

張生手持石鼓文勸我試作石鼓歌少陵無人謫仙死才薄將柰石鼓何周綱陵遲四海沸宣王憤起揮天戈大開明堂受朝賀諸侯劔珮鳴相磨蒐於岐陽騁雄俊萬里禽獸皆遮羅鐫功勒成告萬世鑿石作鼓隳嵯峨從臣才藝咸第一簡選撰刻留山阿雨淋日炙野火燎

鬼物守護煩撓訶公從何處得紙本毫髮盡備無差訛
辭嚴義密讀難曉字體不類隸與蚪年深豈免有缺劃
快劍斫斷生蛟鼉鸞翔鳳耆叟仙下珊瑚碧樹交枝柯
金繩鐵索鎖紐壯古鼎躍水龍騰梭陋儒編詩不收入
二雅褊迫無委蛇孔子西行不到秦倚撫星宿遺羲娥
嗟予好古生苦晚對此涕淚雙滂沱憶昔初蒙博士徵
其年始改稱元和故人從軍在右輔為我量度掘曰科
濯冠沐浴告祭酒如此至寶存豈多壇包席裏可立致

十鼓只載數駱駝薦諸太廟比部鼎光價豈止百倍過
聖恩若許留太學諸生講解得切磋觀經洪都尚填咽
坐見舉國來奔波剡苔剔蘚露節角安置妥帖平不頗
大厦深簷與蓋覆經歷久遠期無他中朝大官老於事
詎肯感激徒妍媸牧童敲火牛礪角誰復着手為摩挲
日銷月鑠就埋沒六年西顧空吟哦義之俗書趨姿媚
數紙尚可博白鵝繼周八代爭戰罷無人收拾理則那
方今太平日無事柄用儒術崇丘軻安能以此上論列

願借辯口如懸河石鼓之歌止於此嗚呼吾意其蹉跎
唐歐陽詹弔九江驛碑材文

弔傷而有辭者也噫九江之驛碑其何興辭而弔歟斯
碑之材昔太師魯國顏忠肅公所建祖亭之碑也公素
負詞華昭代之銘誌多公之辭又好採異留名之致頃
為湖州牧州產碑材石每使工琢之與辭兼行磨龍而
成常心使用者不可勝數斯碑也終山之窮僻得之於
自然跌本有龜護頂有螭雖不甚成而拏踠憤興如神

如靈公神而珍之精選所處湖州無稱立罷守歸朝載而途卜出蘇臺入毘陵亦無稱立轉丹陽遊建業亦無稱立次江州州南有湖湖東有山蛟奔螭引直到湖心頓址之處茂林峭石勢環氣勝非往時所睇而神祠曰祖將軍廟在焉公覲其詭秀與碑材叶即以酒脯奠其祖神出錢五萬造亭曰祖亭南香爐峯北潯陽城九江為庭千艘歷階亭既就公製亭之文手勒斯碑而立之公文為天下最書為天下最斯亭之地亦天下最庶

資三善加以斯碑之奇相持萬古而採異留名之致一
得也後典州吏於州之九江驛有修坏之勞狀其末績
乃取斯碑刻公之述寔已之述今為九江驛之碑焉予
旅遊江州稅於茲驛祠部員外郎鄭恕同之鄭與州將
嚴士良共為余說而俱以相示嗚呼先賤後貴世之常
也先貴後賤人之傷也以祖亭方九江驛則蘭室鮑肆
矣以魯公之文方今之文則牢醴糟糠矣以魯公之札翰
方今之札翰則錦繡棄麻矣以魯公之用方今之用則

諸夏夷狄矣痛哉斯碑出祖亭入九江驛失魯公之文
得人之文削魯公之札翰題人之札翰亡魯公之用就
人之用是去蘭室而居鮑肆捨牢醴而食糟糠脫錦繡
而服枲麻黜諸夏而即夷狄可悲之甚者況我質天成
必將可名魯公所以卜擇敬慎如彼而常人無良黷辱
如此與夫有道而黥無罪而刑投四裔禦魑魅何以別
也石不能言豈其無冤故弔之情違乃傷理怫乃冤人
實有之物亦應然嗚呼子碑冤可予知陰隲子材豈曰

無意必有以殊方頒以異與顏表勝以殊則明從吏居
卑以異奚旌子產既授子不終致悠悠彼蒼何嗟及矣
美玉抵禽高冠籍足有類子碑先榮後辱繼世生哲詎
無賢兮將覲於斯將悼于斯庶滌所黷而復攸宜屹屹
子碑如神如祇人得以專天造何為其不然矣其不然
矣

唐舒元興玉箸篆志

秦丞相斯變蒼頡籀文為玉箸篆體尚太古謂古若無

人當時議書者皆輸伏之故拔乎能成一家法式歷兩漢三國至隋氏更八姓無有出者嗚呼天意謂篆之道不可以終絕故授之以趙郡李氏子陽冰陽冰生皇唐開元天子時不聞外獎躬入篆室獨能隔一千年而與秦斯相見可謂能不孤天意矣當時議書者亦皆輸伏之且謂其格峻其力猛其功備光大於秦斯百倍矣此直見上天以字寶瑞吾唐矣不然何綿更姓氏而寂寞無人元興道不攻篆而識其點畫常有意求秦丞相真

跡會秦丞相去久聞其有八字刻在荆玉有洪碑樹嶧
山巔今荆壁為壘飛上天矣固不可得而見也洪碑留
在人間往往有好事者躋巔得見元輿亦常問得去嶧
山道路異日將褰足觀之未去間行長安會同里客有
得陽冰真跡遺在六幅素上者遂請歸客堂張之見蟲
蝕鳥步痕跡若屈鐵石陷入屋壁霜畫照著疑龍蛇駭
解鱗甲活動皆欲飛去齊目眎之分明觀文字之根植
吾堂中然後知向之議者謂冰愈於斯吾雖未登嶧山

觀此可以信其為深於篆者之言也試以手拂拭其烟
顏塵容侵暴日久攝芻折裂玉箸欲折予以褻慢讓其
主主曰此易致耳豈當其如是愛耶予曰今世人所以
重秦斯之跡非能盡辨別之以其秦古矣斯邈矣向使
秦斯與子比肩子能貴之乎曩吾尚欲苦辛登嶧山之
巔縮在子掌握中今且猶不為子貴子不過生於唐而
得與冰同為唐人吾知冰沒二三十年其蹤跡流於人
間固不甚少得為子目數見故易之若此使冰生於秦

時子又安得使造次而見遺塵耶是子賤目也世人皆
然嗟吁冰既即世是字寶入地矣後人思孜孜求之今
且遭不知者忽易想生筆下日有新跡固為門戶見覩
之物矣冰雖欲求沽售不獨棄為糞土必遭其詬怒也
主聞之其愧色見於顏眉間欲卷而退知其退也必因
循而不信彊止留之引筆書其志行下以保明其為字
寶也不謬詞曰斯去千年冰生唐時冰復去矣後來者
誰後千年有人誰能代之後千年無人篆止於斯嗚呼

主人為吾寶之

唐沈顏碎碑說

乙巳歲冬十二月客鍾陵由章江入劔池過臨川時天
久憊雨水泉將涸風不便行維舟於岸左岸左有小渚
小渚之間垂舟之介揭厲而獲碑為介者異而告發而
眎之字殘缺存者十七八考其文則故臨川內史顏魯
公之文識者以為公牧臨川日所沈碑其文亦多載魯
公之德業輒碎敗而已會同濟者謂余曰且魯公沉是

碑也必將德業不稱於後世故沉之今子旣不能文而補之寫傳之亦不可復沉之於濬流俾後人覩是碑者抑亦昭魯公之德業也子欲蔽人之善歟不然胡碎之而已余曰吁秦嬴政初併天下天下大定海內一統於是出行郡縣登諸名山刻石紀功德焉及其仁政不修後之人語及秦嬴政者咸以為虐君也堯舜無為而治巍巍蕩蕩俾鑿井耕田者不知帝力厯於萬紀厥道愈光今之人語及堯舜者咸以為聖君之至若峴首之碑

睹者墮淚斯乃荆之人感羊公之德化故泣而思之設使羊公之曰德化不及於荆人則是碑也不能感荆人之泣矣且魯公之德業史傳載之矣遺俗傳之矣夫德業者病不著於當世豈病揚於後世乎苟魯公德業史傳不載雖全是碑亦不能揚魯公德業於後世夫如是碎之何傷

唐司空圖書屏記

人之格狀或峻其心必勁心之勁則視其筆跡亦足見

其人矣歷代八書品者八十一人賢傑多出於其間不可誣也國初歐虞之後繼有名公元和長慶間先大夫初以詩師友兵部盧公載從事於商於因題紀唱和乃以書受知於裴公休辟倅鍾陵及徵拜侍御史退居中條時李忻州戎亦以草隸著稱為計吏在滿因輟所寶徐公浩真跡一屏以為貺凡四十二幅八體皆備所題多文選五言詩其朔風動秋草邊馬有歸心十數字或草或隸尤為精絕或綴小簡於其下記云怒猊抉石渴

驥奔泉可以視碧落矣先公清旦披玩殆廢寢食常屬
誠云正長詩英吏部筆力逸氣相資奇功無跡儒家之
寶莫踰此屏也但二者皆美神物所窺必當奪璧於中
流飛鏐於烈火也殆非子孫之所可存耳庚子歲遇亂
自虞邑居負之置於王城別業丙辰春正月陝軍復入
則前後所藏及佛道圖記共七千四百卷與是屏皆為
灰燼痛哉今旅寓華下於進士姚顗所居獲覽書品及
徐公評論因感憤追述貽信後學且冀精於賞覽者必

將繼有詮次光化二年八月三日泗水司空圖銜涕撰
錄謹記之

唐晉光大師草書歌

雪壓千峯橫枕上窮辱雖甘還激壯看師逸迹兩相宜
高適歌行李白詩海上風驚驅猛燒吹斷狂烟着沙草
江中曾見落星石幾迴試發將軍砲別有寒鵬掠絕壁
提上玄猿更生力又見吳牛磨角來舞槃盤刀初觸擊
好文天子揮宸翰御製本多堆玉案晨開水殿教題壁

題罷紫衣親被錫僧家愛詩自拘束僧家愛畫所局促
大師草聖藝偏高一掬山泉心便足

又

羸病受師書勁逸作長歌助狂筆乘高搥鼓震川原驚
迸驂騮匹幾千縱橫不離禪方知草聖本非顛歌成興
掃松齋壁何以曾題說劍篇

宋鄭文寶題嶧山碑

秦相李斯書嶧山碑妙絕今古殊為世重故散騎常侍

徐公鉉酷耽玉著垂五十年時無其比晚始獲嶧山碑
模本師其筆力自謂得思於天人之際因是廣求古之
舊跡焚擲略盡文寶受學徐門粗堅企及之志太平興
國五年春再舉進士不中東適齊魯客鄒邑登嶧山求
訪秦碑邈然無覩逮於浹旬惆悵於榛蕪之下惜其神
蹤將墮於世今以徐所授模本刊石于長安故都國子
學廉博雅君子見先儒之指歸淳化四年八月十五日
承奉郎守太常博士陝府西諸州水陸計度轉運副使

賜緋魚袋鄭文寶記

宋翰林白賈贈南嶽宣義大師夢英詩

衡山神秀瀟湘清靈氣濬發奇人生金仙才子稱夢英
玉筋篆書天下名隸外攻虞又攻歐率更行體兼而有
別得張顛草聖才筆頭燦爛龍蛇走八分飛白皆精練
長安粉壁狂題遍功夫無讓狸骨帖聲價高於鐵門限
皇唐偏說懷素師善草不聞真副之近代聾僧小歐迹
謹楷齷齪無多奇驚師宿世曾勞力筋紙骨筆血為墨

受佛付囑寫微言今生所以書無敵我亦訪奇滿天下
多見名書與名畫雖見烟霄未稱心待取珊瑚為筆
架從茲懶愛吳筠碑新歌重贈撲亞奇

宋尹師魯題楊少師書後

周太子少師楊公凝式墨迹多在洛陽城佛寺中今存
者廣愛長壽天宮甘露興果凡六處皆題於壁

洛陽有此在延

福坊又集賢校理郭仲微雨興教嘉善新告有十餘字甘露致之

公在洛或與人為銘

記皆不自書公之書無刻於石者以公之筆其馳騁自

肆蓋得於己意不可盡其然哉予非善書者莫能知己
公所題壁距見踰八十年字頗缺落不可辨識者十三
四天王院僧繼明慮公之書久遂無傳命僧擇字之最
完者得長壽甘露兩壁總八十七模刻於石寶元元年
四月八日尹洙題

宋韓琦謝杜丞相草書詩

公之德業天下重四海萬物思坯壚太平之策未全發
先期諸老叩帝居天子只欲勵薄俗不惜一兕從二疎

公持儉節出天性下建萬世清風孤歸卜睢陽旋營第
棟宇僅足容妻孥自此閒燕得所樂非絲非竹非歌壺
經史日與賢聖遇叅以吟咏為自娛興來弄翰尤得意
真楷之外工草書因書乞得數字幅伯英筋肉羲之膚
字體真渾遠到古神馬初見八卦圖精神熠熠欲飛動
鸞鳳鼓舞龍蛇據天姿瘦硬斥俗軟狂藤束纏巖松枯
中含婉媚更可愛千葩萬萼爭春數開合向背一皆好
造化要愆天功夫張旭雖顛懷素逸較以年力非公徒

公今眉壽俯八十老筆勁健自古無固知大賢不世出
百福來萃神所扶公之佳壻蘇子美得公一二名已沾
矜奇恃雋頗自放質之公法慙豪粗乘歡捧以示僚屬
一坐聳駭嘆且呼便欲刻石傳不朽荒邊匠拙無人模
歸來一一戒兒姪祕重世與家牒俱重巾密橐真吾寶
愛護直比驪頷珠神物孰敢容易探電電霹靂來須臾
宋蘇軾墨妙亭詩

蘭亭蠶紙入昭陵世間遺墨猶雲騰顏公變法出新意

細筋入骨如秋鷹徐家父子亦秀絕字外出力中藏稜
嶧山傳刻典型在千載筆法留陽冰杜陵評書貴瘦硬
此論未公吾不憑短長肥瘦各有態玉環飛燕誰敢憎
吳興太守真好古購買斷缺揮縑繒龜趺入座螭隱壁
空齋晝靜聞登登竒蹤散出走吳越勝事傳說誇友朋
書來乞詩要自寫為把栗尾書溪藤後來視今猶視昔
過眼百世如風燈他年劉郎憶賀監還道同時須服膺

寶藏之一

陳僧智永題右軍樂毅論後

樂毅論者正書第一梁世模出天下珍之自蕭阮之
流莫不臨學陳天嘉中人得以獻文帝帝賜始興王
王昨收禁中即以見示吾昔聞其妙今覩其真閱玩
良久匪朝伊夕始興薨後仍屬廢帝廢帝既沒又
屬餘杭公主以帝王所重恒加寶愛陳世諸王皆
求不得及天下一統四海同文永處處追尋累載

方得此書劉運公特盡神妙其間書誤兩字不欲點
除遂雌黃治定然後用筆陶貞白云大雅吟樂毅論
大師箴等筆力妍媚紙墨精新斯得之矣智永記此

章草

批

唐褚遂良錄王羲之書目

正書
行書

正書部五卷

共四
十帖

第一樂毅論

四十三行
書付官奴

第二黃庭經

六十行與
山陰道士

第三東方朔贊

三十行書
與王循

第四周公東征

十一行

年月日朔小字

十四行
自誓文

尚想黃綺

七墓田丙舍

五行

第五羲之死罪前因李叔夷

四行

琅琊臨沂

三行

羲之頓首

頓首一日相省

四行

行三一之法

四行

尚書宣示孫權所求

八

昨言瑯琊新廟

四行

晉侯侈

六行

行書部五十八卷

共三百
六十帖

第一永和九年

二十八行
蘭亭序

纏和害

二十
二行

第二爰有猗人

行九

庾新婦

行五

九月二十三日義之八日

書

行八

十二月七日義之報知少麋

行五

十二月六日義之

報一昨因暨主簿書

行六

臣義之言伏惟皇太后

行七

臣義

之言嚴寒不審

行四

臣義之言伏惟陛下

行五

雨涼佳得書

五問庶子哀摧

行四

第四七月二十五日義之頓首期晚生不育

行六

五月

二十四日義之頓首二句哀悼

行五

義之報曹妹

行五

義

之頓首違還亡嫂積年

行八

昨殊不散

行三

殷中軍奄忽

哭之

行三

第五義之死罪亡兄靈柩

行七

七月七日義之頓首頓

首昨便斬草亡嫂尚停此

行十

期小女四歲暴疾不救

五秋中諸感切懷

行五

第六義之白不審尊體比復如何

行五

得示慰吾頻以

服散

行三

二十一日發至長安

行八

義之死罪不審何定

尚扶持

行四

適遠告承如常

行五

義之頓首奄承吊亡

遘難

行五

義之頓首君眼目

行五

六月十五日義之頓

首大行皇帝崩行四大行皇帝行五月半增感傷柰何

行四

第八謝新婦春日感陽行七義之死罪無亦永往行七

謝范新婦得富春還疏行十向書至也須君至射堂

行四

第九五月二十七日州民王義之死罪此夏交行十七

義之死罪荀葛各一國佐命之宗行十七君須復以

何散懷行七

第十七月十三日告離得兄弟

行五

延明官奴小女

七不圖禍痛乃將至此

行二

日月如馳嬖棄皆再周

五近遺書想即至

行二

比書慰也汝不可

行六

第十一義之頓首快雪時晴

行六

未復知問晴快即

轉勝

行七

去血有損不堪耿耿

行三

月行復半痛傷薰

摧

行四

第十二六月十七日告循紀

行四

柳匏比問

行五

賊已摧

退

行二

月行復旬感傷

行七

有哀慘

行六

送此鯉魚

行二

諸婦

小兒輩

行三

第十三逼熱既宜盛農

行五

知齡家租可悲慰

行九

山下

多日不復意問

行十

晚復熱想足下

行八

第十四都下二十六日書云中郎

行五

絕不得新婦諸

叔問

行十

九月十七日羲之報且因孔侍中

行八

日逼近

羸劣

行六

第十五想大小悉佳

行十

謝新婦賢從弟

行八

隔日不知

問二旬哀傷

行七

第十六省書知定疑來

二十行

痛惜敬和寢息在心

九行羣

從彫落將盡

十行

第十七報怛何如

七行有一帖云發之報怛何如

二月二日汝歸母

二行

雖問和篤疾

十一行

比粗平安

六行

第十八二十二日義之報近得書

五行

毒熱瘡作未甚

耿耿

五行

足下可不吾眼少力

四行

再昔來熱如小有覺

十行

第十九官奴小女

十一行

六月二十五日

四行

大熱得告

五行

汝中冷褚侯遂至薨

行二

第二十過此燥雞肉

行四

去龍牙復下

行七

向欲力視汝

五姊告慰馳情

行五

晚來復何如

行三

兄安厝情事長畢

行五

第二十一十九日義之頓首明二旬增感

行七

十月十

五日義之頓首月半哀傷

行八

得示知足下猶未佳

行四

義之頓首卿佳不家中爾猶

行八

第二十二安西復問

行六

忽然夏中

行九

第二十三得阿遮書

行七

二十五日告期

行六

二十日告

姜

行三

知慶等

行三

二十七日告姜氏母子

行五

得書知卿

行四

第二十四初月一日義之報忽然改年

行六

卿各何以先

羸

行四

此上下可耳出外

行六

六日告姜復雨始晴

行五

書未

去得疏為慰

行五

第二十五行復二旬傷悼情深

行五

義之死罪難信非牋

行五

九月二十五日義之頓首便涉冬

行六

夫人遂善平康

也行三義之頓首節至遠感行五過一旬尋念傷悼行四五月

九日義之頓首頓首雖未叙行五

第二十六敬祖足下如常慰之行五義之頓首頓首從

兄雖篤疾行五轉熱相足下耳行七王逸少頓首晚佳也

行七

第二十七八月十七日義之報行五三十日告姜行九二十

二日告姜行五三十日義之頓首報行五信還之夜下行七

第二十八曹丁妹行七未審大周婢行七劫事當速行五

第二十九一月二十九日告仲宗

行五

十四日告劉氏女

六人理之故

行四

十一月二十六日義之報

行五

第三十義之愛報

行七

伏想婣安和

行九

得書知汝問

行九

第三十一十一月十三日義之頓首

行六

三月十九日義

之頓首未春哀痛義之自想上下悉佳

行五

八月十五日

具疏義之再拜

行六

第三十二義之頓首月半感慕抽切

行五

改月感慕抽痛

當柰何

行八

昨歡宴可謂意

行五

向得信知足下瘡

行五

第三十三張博士定何日去行四八月二十六日告仲宗

行十兩無復解足下可耳行五六月義之報至節哀感行四初

月一日告姜忽此年行四

第三十四極有春意行四九月十八日義之報近問行七司

州葬送行六

第三十五十四日告期明月半行十三十三日義之報月

向半行四承上下不和反側行六過一旬哀痛兼至行八昨暮

遣信值足下以行行七諸哀毒兼至終日切心行七乃復送

聲勞汝

行四

第三十七得示慰之吾迎不快

行五

九月二十五日義之

報禍出不圖

行六

陰寒足下各可不

行八

五月二日告胡母

甥幸

行六

夏中節除感遠兼傷

行四

第三十八四月五日義之報

行五

七日告期痛念玄度

行十

妹

轉佳慶不及啼不

行三

知靜婢猶未佳懸心

行二

治墓下人

皆以集也

行六

第三十九三月十三日義之頓首過二旬哀悼

行六

義之

頓首頓首想冬盛念一旦感歎益衰窮

行七

十一月十八

日義之頓首頓首冬月感歎兼傷

行六

第四十十月二十二日義之頓首頓首賢從隕遊

行四想

家悉佳

行九

吾未得便得效

行四

吏轉轉輒與寬休

行六

第四十一二月州民王義之死罪

行六

向書至也得示承

尊夫人轉平和

行七

五月十日義之報夏中感遠

行六

時見

賢子君家平

行三

前郡內及兄子家比有

行五

第四十二四月二日義之頓首初月感懷

行七

得示慰之

足下克致

行六

義之白服見仲熊

行七

知汝故爾欲食

行三

第四十三不知遠妹定何當至

行八

從兄弟一旦哀窮

行四

昨遺書今日至也

行四

第四十四紙一千

行五

僧遂佳也

行三

脯

闕

行五

義之死罪

不當有桂

行四

第四十五知足下得吾書

行七

前比遣信

行七

想應妹普平

安行七鵬遂佳也懸念

行八

比承至也得二書

行四

得二日書

具足下問

行四

足下在蕪湖

行九

不圖哀禍頻仍

行五

第四十七道祖重能刑也行二月二十日義之頓首節近

歲終行六節除諸感兼哀行四四月二十日義之頓首二旬

期等小祥行五新歲月感傷行四

第四十八義之頓首一旦公除行四義之頓首從弟子行四

歲盡諸感行五

第四十九四月九日義之頓首報臘日行七得二謝書司

州喪行六二月六日義之報昨書悉行四上下如常不行五成

都開清和行五

第五十二月二十五日義之頓首一日有書九事情

無所不至惟有長歎

五

兩復無已不審體中各何如

九

如賢弟並毀頓

三

第五十一義之頓首頓首何圖福痛

五

繇白張白騎遂

自猜疑

七

晴便寒想轉勝

七

六月十九日義之報仲熊

夭折

三

仲熊雖篤疾豈圖奄忽

四

第五十二汝母子比佳不

六

十八日義之頓首

四

敬祖

雖久疾謂其年少

八

五月二十七日義之報

五

六月十

一日義之敬問得且書

行三

吾賢之常事耳

行四

第五十三閏二月二十五日義之白

行四

向書想至

行四

月十四日告父大

行四

許玄度昨宿

行四

七月六日義之頓

首

行五

省告猶示

行三

脩年雖篤

行七

第五十四六月十六日義之頓首

行八

義之死罪告冬

行一

行二十九日義之頓首

行九

九月二十八日義之頓首

行七

義之頓首昨

行六

第五十五前使還有書猥

行九

義之頓首二孫女

行四

義之頓首昨感寒

行五

八月二十五日義之頓首

行五

得書

為慰汝轉平復

行六

第五十六周氏上下悉佳

行六

卞玉等便以去十月禪

行四

卿女母子粗平安

行八

十一月十三日義之頓首追傷切

割

行六

第五十七義之頓首尋念痛惋

行八

長風一日哀窮

行五

得

信知問

行五

敬祖雖久疾

行四

初月五日義之頓首忽然此

年

行六

第五十八省別具懷

行五

阿康少壯

行四

范中書奄至此

行三

妹復小進退

行五

義之頓首昨暮兒疏

行十二

晉右軍王羲之正書行書目貞觀年河南公褚遂良

中禁西堂臨寫之際便錄出唐初有史目實錄此之

標目蓋其類也

未見草書目

唐褚遂良捐本樂毅論記

貞觀十二年四月九日奉敕內出樂毅論是王右軍真跡令將仕郎直弘文館馮承素模寫賜司空趙國公長

孫無忌開府儀同三司尚書左僕射梁國公房玄齡特
進尚書右僕射中國公高士廉吏部尚書陳國公侯君
集特進鄭國公魏徵侍中護軍安德郡開國公楊師道
等六人於是在外乃有六本並筆勢精妙備盡楷則也
褚遂良記

唐王方慶進書疏

神功元年五月上謂鳳閣侍郎王方慶曰卿家多書合
有右軍遺蹟方慶奏曰臣十代再從伯祖羲之書先有

四十餘卷貞觀十二年太宗購求先臣並以進訖唯一卷見在今進臣十一代祖導十代祖洽九代祖珣八代祖曇首七代祖僧綽六代祖仲寶五代祖騫高祖褒并九代三從伯祖晉中書令獻之已下二十八人書共十卷上御武成殿示羣臣仍令中書舍人崔融為寶章集以叙其事復賜方慶當時以為榮

唐何延之蘭亭始末記

蘭亭叙者晉右將軍會稽內史瑯琊王羲之逸少所書

詩序也右軍蟬聯美曹蕭散名賢雅好山水尤善草隸
以晉穆帝永和九年三月三日宦遊山陰與太原孫統
承公孫綽興公廣漢王彬之道生陳郡謝安安石高平
郝曇重熙太原王蘊叔仁釋支遁道林及其子凝之徽
之操之等四十有二人脩祓禊之禮揮毫製序興樂而
書用蠶繭紙鼠鬚筆道媚勁健絕代特出凡二十八行
三百二十四字字有重者皆構別體其中之字最多乃
有二十許字變轉悉異遂無同者其時乃有神助及醒

後他日更書數十本終無及者右軍亦自愛重此書留
付子孫傳至七代孫智永即右軍第五子徽之之後安
西成王諮議彥祖之孫廬陵王曹昱之子陳郡謝少
卿之外孫也與兄孝賓俱捨家入道俗號永禪師禪師
克嗣良裘精勤此藝常居永興寺閣上臨書所退筆頭
置之於大竹簾簾受一石餘而五簾皆滿凡三十年於
閣上臨真草千文八百餘本浙江東諸寺各施一本今
有存者猶直錢數萬孝賓改名惠欣兄弟初落髮時住

會稽嘉祥寺寺即右軍之舊宅也後以每年拜墓便近
因移此寺自右軍之墳及右軍叔蒼已下塋域並置山
陰縣西南三十一里蘭渚山下梁武帝以欣永二人皆
能崇釋教故號所居之寺為永欣焉事見會稽志其臨
書之閣至今尚在禪師年近百歲乃終其遺書並傳與
弟子辯才辯才姓袁氏梁司空昂之玄孫博學工文琴
奕書畫皆得其妙每臨禪師之書逼真亂本辯才常於
寢房伏梁上鑿為暗檻以貯蘭亭保惜貴重甚於禪師

在日至貞觀中太宗以聽政之暇銳志翫書臨右軍真
草書帖購募備盡唯未得蘭亭尋討此書知在辯才處
乃降敕追師入內道場供養恩賚優給數日後因言次
乃問及蘭亭方便善誘無所不至辯才確稱往日侍奉
先師實嘗獲見自禪師喪後荐經喪亂墜失不知所在
既而不獲遂放歸越中後更推究不離辯才處又敕追
辯才入內重問蘭亭如此者三度竟靳固不出上謂侍
臣曰右軍之書朕所偏寶就中逸少之跡莫如蘭亭求

見此書勞於寤寐此僧暮年又無所用若為得一智畧之士設謀計取之尚書右僕射房玄齡奏曰監察御史蕭翼者梁元帝之曾孫今貫魏州莘縣負才藝權謀可充此使必當見獲太宗遂召見翼翼曰若作公使義無得理臣請私行詣彼須得二王雜帖數通太宗依給翼遂改冠微服至洛陽隨商人船下至越州又衣黃衫極寬長潦倒得山東書生之體日暮入寺巡廊以觀壁畫過辯才院止於門前辯才遙見翼乃問曰何處檀越翼

因便前禮拜云弟子是北人來此驚蠶種厯寺縱觀幸
遇禪師寒溫既畢語議便合因延入房內即共圍碁撫
琴投壺握槊談說文史意甚相得乃曰白頭如新傾蓋
若舊今後無形迹也便留夜宿設缸面藥酒茶菓等江
東云缸面猶河北稱甕頭謂初熟酒也酣樂之餘分韻
賦詩辭才探得來字韻其詩曰初醞一缸開新知萬里
來披雲同落窅步月共徘徊夜久孤琴思風長旅鴈哀
非君有秘術誰照不然灰蕭翼探得招字韻詩曰邂逅

款良霄殷勤荷勝招彌天俄若舊初地豈成遙酒蟻傾
還泛心猿躁自調誰憐失羣翼長苦葉風飄妍媸畧同
彼此諷咏恨相知之晚通宵盡歡明日乃去辯才曰檀
越明即來此翼乃載酒赴之興後作詩如此者數次是
詩酒為務僧俗混然遂經旬朔翼示師梁元帝白畫職
貢圖師嗟賞不已因談論翰墨翼曰弟子先世皆傳二
王楷書法弟子自幼來耽翫今亦有數帖自隨辯才欣然
曰明日可攜來看翼依期而往出其書示辯才辯才熟

詳之曰是則是矣然未佳善也貧僧有一真跡頗亦殊
常翼曰何帖辯才曰蘭亭翼佯笑曰數經亂離真跡淪
喪此蓋響搨偽作耳辯才曰禪師在日保惜臨亡之際
歷叙由來付授有緒那得參差可明日來看及翼到師
自於房梁上檻內出之翼見訖故駁瑕指顙曰果是響
搨書也紛競不定自示翼之後更不復安於伏檻并蕭
翼二王諸帖並借畱置於几案之間辯才時年八十餘
每日於窓下臨學數遍其篤好也如此自是翼往還既

數童弟等無復猜疑後辯才赴靈汜橋南嚴遷家齋翼
遂私來房前謂弟子曰翼遺一物在此童子即為開門
翼遂於案上取得蘭亭及御府二王書帖赴永安驛告
驛長凌慙曰我是御史奉敕來此今有墨敕可報汝都
督知都督齋善行聞之馳來拜謁蕭翼因宣示敕旨具
告所由善行走使人召辯才辯才仍在嚴遷家未還寺
遽見追呼不知所以又遣散直云侍御須見及師來見
御史乃是房中蕭生也蕭翼報云奉敕遣來取蘭亭蘭

亭今得矣故喚師來作別辯才聞語絕倒良久始蘇翼
便馳驛至都奏御太宗大悅以玄齡舉得其人賞錦綵
千段擢拜翼為負外郎加入五品賜銀瓶一金鏤餅一瑪
瑙枕一並實以珠內殿良馬兩匹兼寶裝鞍轡莊宅各
一區太宗初怒老僧之秘吝以其年耄不忍加刑數月
後仍賜物三千段穀三千石敕赴州支給辯才不敢將
入已用回造三層寶塔塔甚精麗至今猶存老僧因悸
病不能強飯惟歆粥歲餘乃卒帝命供奉搨書人趙模

韓道政馮承素諸葛貞等四人各捐數本以賜皇太子
諸王近臣貞觀二十三年聖躬不豫幸玉華宮含風殿
臨崩謂高宗曰吾欲從汝求一物汝誠孝也豈能違吾
心邪汝意何如高宗哽咽流涕引耳聽命太宗曰所欲
得蘭亭可與我將去及弓劍不遺同軌畢至隨仙駕入
玄宮矣今趙模等所搨在者一本尚直錢數萬也人間
本亦稀少絕代之珍寶難可再見吾嘗為左千石時隨
牒適越汎巨海登會稽探禹穴訪奇書名僧處士猶倍

諸郡固知虞預之著會稽典錄人物不絕信而有徵其
辯才弟子玄素俗姓楊氏華陰人也漢太尉之後六代
祖佺期為桓玄所害子孫避難流竄江東後遂編貫山
陰即吾之外氏近屬今殿中侍御史瑒之族長安三年
素師已年九十三視聽不衰猶居永欣寺永禪師故房
親向吾說聊以退食之暇略疏始末庶將來君子知吾
心之所存付永明彭察溫抱直起令叔等兄弟其有好事同
志者亦無隱焉於時歲在甲寅季春之月上巳之日感

前脩而撰此記主上每暇隙畱神藝術偏重蘭亭僕開
元十年四月二十七日任均州刺史蒙恩許拜掃至都
尋訪所得委曲緣病不獲詣闕遣男昭成皇太后挽即
吏部常選騎都尉永寫本進其日奉日曜門司宣內出
絹三十疋賜永於是負恩荷澤手舞足蹈捧戴周旋光
駭閭里僕跼天聞命伏枕懷欣殊私忽臨沈疴頓減輒
題卷末以示後代

彦遠家有馮承素蘭亭元和十三年
詔取書畫遂進入內今馮承素樂毅

論並有太宗手
批在其後者也

唐韋述開元記

出集
賢記

開元十六年五月內出二王真跡及張芝張昶等古跡
總一百六十卷付集賢院令集字搨進尋且依文搨兩
本進內分賜諸王後屬車駕入都却進真本竟不果進
集字太宗貞觀中搜訪王右軍等真跡出御府金帛重
為購賞由是人間古本紛然畢進帝令魏少師虞永興
褚河南等定其真偽右軍之跡凡得真行二百九十紙
裝為七十卷草書二千紙裝為八十卷小王及張芝等

亦各隨多少勒為卷帙以貞觀字為印印縫及卷之首尾其草跡又令褚河南真書小字帖紙影之其古本亦有是梁隋官本者梁則滿騫徐僧權沈熾文朱异隋則江總姚察等署記太宗又令魏褚等卷下更署名記其後蘭亭一本相傳云將入昭陵玄宮長安神龍之際太平安樂公主奏借出外搨寫樂毅論因此遂失所在開元五年敕陸元悌魏哲劉懷信等檢校分一卷為兩卷總見在有一百五十八卷餘並墜失元悌等又割去前

代名賢押署之跡惟以已之名氏代焉上自書開元二字為印以印記之王右軍書凡一百三十卷小王二十八卷張芝張昶書各一卷右軍真行書惟有黃庭告誓等四篇存焉蕭令尋奏滑州人家藏右軍扇上真書宣示及小王行書白騎遂等二卷敕令滑州給驛齎書本赴京其書有貞觀舊標織成題字奏進書本留內賜絹一百疋以遣之竟亦不問得書所由

唐武平一徐氏法書記

易稱河出圖洛出書聖人則之故伏羲氏觀象於天觀法於地近取諸身遠取諸物始作八卦軒轅氏之王也使蒼頡象鳥獸之跡以為文字故銘於鍾鼎列於竹帛至周宣王太史史籀者作大篆十五篇秦始皇之并天下也丞相李斯一文字之制作蒼頡篇其後車府令趙高作爰歷篇太史令胡毋敬作博學篇頗有省改謂小篆也周曰六書秦稱八體或云隸書者始皇使下邳人程邈所作漢因行之扶風曹喜善篆隸時人師之先是

後左中郎陳留蔡邕於篆隸博究其妙靈帝好書術雜
藝置鴻都以招納之則有師宜官梁鵠之徒預焉漢末
鵠奔劉表魏武破荊獲鵠雅好其書恒懸帳中以玩之
鵠弟子毛弘教於秘書今八分楷法是也安平崔瑗父
子作草勢弘農張芝轉加其巧即王逸少所言臨池學
書池水盡黑韋仲將書所謂草聖芝弟黃門郎昶亞焉
魏太和中韋誕自武都太守以善書至侍郎宮觀寶器
皆誕之跡嘗登凌雲臺題榜下而白首太尉鍾繇一時

之妙冠於前垂於後繇子會晉太保衛瓘父子吳人皇
象晉征西司馬索靖中書郎李克母衛夫人並得鍾張
之楷擅名當時中興後王丞相茂弘父子庾征西稚恭
兄弟咸著盛名於江西其窮神極變龍翔天逸今古獨
立者乎晉會稽內史右將軍瑯琊王羲之羲之子獻之
亦傳其妙而不知逮也先賢所評子敬之比逸少猶士
季之比元常言去之遠矣故二王之跡歷代寶之宋文
齊高洎梁武父子湘東邵陵王咸以為師楷梁大同中

武帝敕周興嗣撰千字文使溫鐵石模次羲之之跡以
賜八王右軍之書咸歸梁室屬侯景亂兵火之後多從
湮缺而西臺諸宮尚積餘寶元帝之死一皆自焚可為
悲也歷周至隋初并天下大業之始後主頗求其書往
往有獻者及隋之季王師入秦又於洛陽擒二偽主西
京秘閣之寶揚都扈從之書皆為我有太宗於右軍之
書特留睿賞貞觀初下詔購求殆盡遺逸萬機之暇備
加執玩蘭亭樂毅尤聞寶重常令搨書人湯普徹等搨

蘭亭賜梁公房玄齡已下八人普徹竊搨以出故在外傳之及太宗晏駕本入玄宮至高宗又敕馮承素諸葛真搨樂毅論及雜帖數本賜長孫無忌等六人在外方有洎大聖天后御極也尤為寶嗇平一齡薨之歲見育宮中竊觀先后閱法書數軸將搨以賜藩邸時見宮人出六十餘函於億歲殿曝之多裝以鏤牙軸紫羅標云是太宗時裝中有故青綾縹瑇瑁軸者云梁朝舊跡標首各題篇目行字等數草書多於其側帖真字楷書每函

可二十餘卷別有以小函可十有餘卷所記憶者是扇
書樂毅告誓黃庭當時私訪所主女學問其函盡出以
否荅云尚有未知幾許至中宗神龍中貴戚寵盛宮禁
不嚴御府之珍多歸私室先盡金璧次及法書嬪主之
家因此而出或有報安樂公主者主於內出二十餘函
駙馬武延秀久踐虜庭徒聞二王之跡強學寶重乃呼
薛稷鄭愔及平一評善惡諸人隨事荅為上者登時去
牙軸紫標只以漆軸黃麻紙標題云特健藥云是虜語

其書合作者時太宗御筆於後題之歎其雄逸太平公
主聞之遽於內取數函及樂毅等小函以歸延秀之死
側聞睿宗命薛稷擇而進之薛竊留佳者十數軸薛之
敗也為簿錄官所盜平一任郴州日與太平子薛崇胤
堂兄子崇允連官說太平之敗崇胤懷樂毅等七軸請
崇允托其叔駙馬撤賂岐王以求免戾此書因歸邸第
崇胤弟崇簡娶梁宣王女主家王室之書亦為其所有
後獲罪謫五溪書歸御府而朝士王公亦往往觀之夫

龜文以來鳥跡之後六書八體時咸寶之而代易百王
年移千葉舊簡殘缺遺編湮散非窮微極精博雅好古
孰能問以辨之學以聚之豫州刺史東海徐公嶠之懷
才蘊藝依仁踐禮自許筆精人稱草聖九邱七畧五車
百氏未遇仲尼之賢猶繁茂先之室至於魏陵逸策魯
室前書字辨陽循疑招束皙師宜削去之版逸少為題
之扇莫不烟霏露凝鳥跂魚躍填綵篋溢彫廚貽之後
昆永為家寶季子浩並有獻之之妙待詔金門家多法

書見託斯文題其篇目行字列之如後詹事張庭珪之家抑其次也

唐徐浩古跡記

自伏羲畫八卦史籀造籀文李斯作篆書程邈起隸法王次仲為八分體漢章帝始有章草名厥後流傳工能間出史籀石鼓文崔子玉篆呂望張衡碑李斯嶧山碑會稽山碑蔡邕鴻都三體石經八分西岳光和殷華馮敦等數碑并伯喈章草並為曠絕及張芝章草鍾繇正

楷時莫其先衛瓘索靖章草王羲之真行章草桓玄草
謝安王獻之羊欣王僧虔孔琳之薄紹之真行草永禪
師蕭子雲真草虞世南歐陽詢褚遂良果師述師真行
草陸柬之臨書臣先祖故益州九隴縣尉贈吏部侍郎
師道臣先考故豫州刺史贈左常侍嶠之真行草皆名
冠古今無與為比從齊梁以後傳秘古書跋尾徐僧權
唐懷充姚懷珍滿騫朱异等署名太宗皇帝肇開帝業
大購圖書寶於內庫鍾繇張芝芝弟永王羲之父子書

四百卷及漢魏晉宋齊梁雜跡三百卷貞觀十三年十二月裴成部帙以貞觀字印縫命起居郎臣褚遂良排署如後

司空許州都督趙國公臣無忌

開府儀同三司尚書左僕射太子少師梁國公臣玄齡

特進尚書左僕射鄭國公臣徵

逆人侯君集初同署犯法後除却

中書令駙馬都尉安德郡開國公臣楊師道

左衛大將軍武陽縣開國公臣大亮

光祿大夫禮部尚書河間王臣孝恭

光祿大夫民部尚書莒國公臣唐儉

彥遠勳一本唐儉
合在李大亮前

兼太常卿扶陽縣開國男臣常挺

從十三年更不出外人莫見直至大足中則天后賞納
言狄仁傑能書仁傑云臣自幼以來不見好本只率愚
性何由得能則天出二王真跡二十卷遣五品中使示

諸宰相看訖表謝登時將入至中宗時中書令宗楚客奏事承恩乃乞大小二王真跡敕賜二十卷大小二王各十軸楚客遂裝作二十扇屏風以褚遂良閑居賦枯樹賦為脚因大會貴要張以示之時薛稷崔湜盧藏用廢食歎美不復宴安樂公主壻武延秀在坐歸以告公主曰主言承恩未為富貴適過宗令別得賜書一席觀之輟餐忘食及明謁見頗有怒言帝令開緘傾庫悉與之延秀復會賓客舉櫃令看分散朝廷無復寶惜太

平公主取五帙五十卷別造胡書四字印縫宰相各二
十卷將軍駙馬各十卷自此內庫真跡散落諸家太平
公主愛樂毅論以織成袋盛置於箱篋及籍沒後有咸
陽老嫗竊舉袖中縣令尋覺遽而追趨嫗乃驚懼投之
竈下香聞數里不可復得天寶中臣奉使訪圖書有商
胡穆聿在書行販古跡往往以織標軸得好圖書臣奉
直集賢令求書畫自玄宗開元五年十一月五日收大小
二王真跡得一百五十八卷大王正書三卷

黃庭經第一
畫贊第

二告警第三臣以為
畫贊是偽跡不及真

行書一百五卷

並非著名好帖

草書一百

一十卷

以前得君書第一

小王書總三十卷正書兩卷

論語一節并注

一卷成策

跋尾排署如後

右散騎常侍崇文館學士舒國公臣褚无量

秘書監兼侍讀昭文館學士上柱國常山縣開國公

臣馬懷素

銀青光祿大夫行中書侍郎同中書門下平章事監

脩國史上柱國許國公臣頤

銀青光祿大夫守吏部尚書兼侍中監脩國史上柱
國廣平郡開國公臣璟

至十七年出付集賢院搨二十本賜皇太子諸王學士
九年收入內十八年十二月二十八日尚書左丞相集
賢大學士燕國公張說薨明年二月以中書令蕭嵩為
大學士令訪王書乃於滑州司法路琦家得羲之正書
扇書一卷是貞觀十五年揚州大都督駙馬都尉安德郡開
國公臣楊師道進其標是碧地織成標題一行濶一寸

黃色織成云晉右將軍王羲之正書卷第四兼小王行書三紙非常合作亦既進奉賜路琦絹三百匹蕭嵩一百匹其書還令集賢院捐賜太子以下及潼關失守內庫書法並皆散失及收城後臣又充使搜訪圖書收獲二王書二百餘卷訪黃庭真跡或云張通儒將向幽州莫知去處侍御史集賢院學士史惟則奉使晉州推事所在博訪書畫懸爵賞待之時趙城倉督隱沒公貨極多推案承伏遂云有好書欲請贖罪惟則索看遂出扇

書告誓并二王真跡四卷問其得處云祿山下將過向
大原停於倉督家三月餘日某乃祇供稱意有懷愧之
心乃畱此書相贈惟則將至闕下肅宗賜絹百匹擢授
本縣尉臣從中書舍人兼尚書右丞集賢院學士副知
院事改國子祭酒尋黜廬州長史承前偽跡臣所棄者
蓋被收買皆獲官賞不復揀退人莫之知及吐蕃入寇
圖籍無遺往往市廛時有真跡代無鑒者詐偽莫分臣
今暮年心惛眼暗恐先朝露敢舉所知其別書人謹錄

如左前試國子司業兼太原縣令竇蒙蒙弟檢校戶部
員外郎宋汴節度叅謀竇衆並久遊翰院皆好圖書辨
偽知真無出其右臣長男璿臣自教授幼勤學書在於
真行頗知筆法亦勝常人其餘士庶之間應有精別之
者臣所未見非欲自媒天高聽卑伏希俯察建中四年
二月日謹疏

唐張懷瓘二王書錄

夫翰墨之美多以身後騰聲二王之書當世見貴獻之

嘗與簡文帝十許紙題最後云下官此書甚合作願聊
存之此書為桓玄所寶玄愛重二王不能釋手乃撰繚
素及紙書正行之尤美者各為一帙嘗置左右及南奔
雖甚狼狽猶以自隨將敗並投於江晉代裝書真草渾
雜背紙皺起范曄裝池微為小勝宋孝武又使徐爰持
護十紙為一卷明帝料閱舊閣并遣使三吳鳩集散逸
詔虞和巢尚之徐希秀孫奉伯等更加編次咸以二丈
為度二王繚素書珊瑚軸二帙二十四卷紙書金軸二

帙二十四卷又紙書璚瑁軸五帙五十卷并金題玉躡
織成帶又扇書上卷又紙書飛白章草二帙十五卷並
旃檀軸又紙書戲字一帙十二卷並書之冠冕也自此
以下別有三品書凡五十二帙五百二十卷並旃檀軸
其新購獲者為六帙一百二十卷既經喪亂各所遺失
齊高帝朝府古跡唯有十二帙以示王僧虔仍更就求
散逸僧虔以帙中所無者得張芝索靖衛伯儒吳大皇
帝景帝歸命侯王導王洽王泯張翼桓玄等十卷其與

帙中所同者王恬王珣王凝之王徽之王獻之並奏入
秘閣梁武帝尤好圖書搜訪天下大有所獲以舊裝堅
強字有損壞天監中敕朱异徐僧權唐懷允姚懷珍沈
熾文等拆而裝之更加題檢二王書大凡七十八帙七
百六十七卷並珊瑚軸織成帙金題玉躡侯景篡逆緘
在書府平侯景後王僧辯搜括並逸江陵承聖末魏師
襲荊州城陷元帝將降其夜乃聚古今圖書十四萬卷
并大小二王跡遣後閣舍人高善寶焚之吳越寶劍並

將作斫柱乃歎曰蕭世誠遂至於此文武之道今夜窮乎歷代秘寶並為煨燼矣周將于謹普六如忠等並撫拾遺逸凡四十卷將歸長安大業末煬帝幸江都秘府圖書多將行從中道船沒大半淪棄其間得存所餘無幾弑逆之後並歸宇文化及至遼城為竇建德所破並皆亡失畱東都者後入王充平始歸天府貞觀十三年敕購求右軍書並貴價酬值四方妙跡靡不畢至敕起居郎褚遂良校書郎王知敬等於玄武門西長波門外科

簡內出右軍書共相叅校令典儀王行真裝之梁朝舊
裝紙見在者但裁剪而已右軍書大凡二千二百九十
紙裝為十三帙一百二十八卷真書五十紙一帙八卷
隨紙長短為度行書二百四十紙四帙四十卷四尺為
度草書二千紙八帙八十卷以一丈二尺為度並金鏤
雜寶裝軸織成帙其書每縫皆用小印印之其文曰貞
觀大令書不之購也天府之內僅有存焉古之名書歷
代帝王莫不珍寶齊宋已前大有散失及梁武帝鳩集

所獲尚不可勝數並珊瑚軸織成帙金題玉躐二王書
大凡一萬五千紙元帝狂悖焚燒將盡文皇帝盡價購
求天下畢至大王真書唯得五十紙行書二百四十紙
草書二十紙並以金寶裝飾今天府所有真書不滿十
紙行書數十紙草書數百紙共有二百一十八卷小王
四十卷張芝一卷張昶一卷並檀軸錦標而已既所不
尚散在人間或有進獻多推於翰林雜書中玉石混居
薰猶同器然書蹟不易得寶之如玉棄之如土豈徒書

也人亦如之用行舍藏言行之間不可玷缺亦猶桂雖
在幽隱不以無人而不芳也往在翰林中見古鐘二枚
高二尺圍尺餘上有古文三百許字紀夏禹功績字皆
紫磨金鈿光彩射人似大篆而神彩驚人非其時不敢
聞奏棄於泥土中與瓦礫同也然濫次之事其來久矣
且如張翼及僧惠式效右軍時人不能辨近有釋智永
臨寫草帖幾欲亂真至如宋朝多學大令其康昕王僧
虔薄紹之羊欣等欲混其臭味是以二王書中多有偽

跡好事所蓄尤宜精審倘所寶同乎燕石翻為有識所嗤也乾元三年五月日謹錄

盧元卿跋尾記

晉平南將軍荊州刺史瑯琊王廙字世將書一卷

沈熾文

滿騫

徐僧權

貞觀十三年十二月十九日起居郎臣褚遂良

司空許州都督趙國公

臣無忌

開府儀同三司尚書左僕射太子少師梁國公

臣玄齡

特進鄭國公

臣徵

吏部尚書公

逆人侯君集名初同署犯法後除名尚書字下似有而暗

中書令駙馬都尉安德郡國公臣楊師道

左衛大將軍武陽縣開國公臣李大亮

光祿大夫民部尚書莒國公臣唐儉

光祿大夫禮部尚書和郡王臣李孝恭

刑部尚書彭城縣開國公臣劉德威

無太常卿扶陽縣開國公

臣常挺

少府監安昌縣開國公

臣馮常明

銀青光祿大夫尚書左丞濟南縣開國公

臣唐皎

齊高帝姓蕭氏諱道成字紹伯書一卷

開元五年十一月五日陪戎副尉臣張善慶裝

文林郎直秘書省臣王知逸監

宣義郎左司禦率府錄事參軍臣劉懷信監

宣德郎行左驍騎倉曹叅軍 臣陸元悌監

承議郎行右金吾衛長史 臣魏哲監

右散騎常侍崇文館學士上柱國舒國公

臣褚無量

秘書監侍讀昭文館學士上柱國常山縣開國公

臣馬懷素

開府儀同三司上柱國梁國公臣姚崇

銀青光祿大夫行中書侍郎同中書門下平章事監

脩國史上柱國許國公

臣蘇頲題

銀青光祿大夫守吏部尚書兼侍中監脩國史上柱

國廣平郡開國公

臣宋璟

伏見建中已後翰林中雜跡用翰林印印縫如蘭芳等
署名又云貞元十一年正月五日於都官郎中竇泉興
化宅見王廩書鍾會書各一卷武都公李吉押字又兩
卷並古錦標玉軸每卷十有餘人書內一卷開皇十八
年押署有內史薛道衡署名前後所見貞元十三年及

開元五年書法跋尾題署人名或人數不同今具如前
元和三年歲次戊子四月五日太清宮道士盧元卿記

建中二年正月二十一日知書樓直宮臣劉逸江賀遂
奇寺檢拔副使掖庭令臣茹蘭芳副使內寺伯臣宗遊
還是雜跡
卷上錄

晉右軍將軍會稽內使贈金紫光祿大夫瑯琊王羲之
字逸少書一卷四帖

貞觀十三年三月二十三日臣蔡揮裝

開府儀同三司尚書左僕射太子少卿上柱國梁國

公臣玄齡

特進尚書右僕射上柱國申國公臣士廉

特進鄭國公臣徵

逆人侯君集犯法後除名

中書令駙馬都尉安德郡開國公臣楊師道

右屯衛將軍上柱國通州開國公臣姜行本

起居郎臣褚遂良

右前卷是官庫目錄第三十共四帖都一百六十一字

玳瑁軸古錦標有貞觀印及李氏印謹具跋尾如前元
和三年四月六日虞元卿記

朱文長曰天下之書常聚於承平之世而散於離亂
之日當其聚也惟其君之好而又得臣之閱覽識別
不至以偽冒真然後能成之耳梁之虞和唐之褚遂
良徐浩皆任此其所取未嘗不善不幸旋復殘逸重
可惜也自太宗留神翰墨用王著為侍書而李唐五
代零落之餘幸復稍集噫余生也賤不獲窺前人之

墨跡而又不得與道藝之士精論用筆之訣抱茲歎

墨池編卷四